



金華先生黃文獻公集序

天地之氣日新而無窮文辭亦與之無窮蓋其升降翕張俯仰變化皆一神之所為神也者形之而弗竭用之而彌章氣之樞文之所圍也成周而上六藝興焉禮不同乎春秋春秋不同乎詩詩不同乎書書不同乎易成周而下諸家言雖不能如經亦各以所學鳴龍門則異於河汾河汾則異於昌黎昌黎則異於廬陵廬陵則異於伊洛夫豈欲騁異哉文與氣資神以生其勢則然也近代自寶慶之後文弊滋極唯陳腐之言是襲前人未發者則不能啟一喙精魄淪亡氣局荒靡漸焉如弱卉之汎緒風文果何在乎逮入國朝羣工疊出刻華而踐樸革藻以趨真爛然五色之文照耀于天下沿至先生號為極盛先生之所學雖其本根則師羣經揚其波瀾則友遷固沈浸之久超然有會于心嘗自誦曰文辭各載夫學術者也吾敢為苟同乎無悖先聖人斯可已故其形諸撰述委蛇曲折必電所欲言出用于時則由進士第教成均典儒臺直禁

林侍講經緯以文字為職業者殆三十年精明俊朗雄蓋一世可謂大雅弗羣者矣今之論者徒知先生之文清圓切密動中法度如孫吳用兵神出鬼沒而部伍整然不亂至先生之獨得者又焉能察其端倪哉於戲蹄涔之水其流不能尋尺通河巨海則涵浴日月一朝而萬變土鼓之聲其聞弗及百武迅風驚霆則振撼萬物衝縱上下無幽而不被此無它神與不神也文辭之出與天地之氣相為無窮奈何不河海風霆之若而颯颯蹄涔土鼓間果誰之過也上而六藝下而諸家言所倡雖有大小之殊其生色之融液至今猶津津然是誠何道哉學者尚以是而求先生也先生薨後之五年家藏日損齋藁共二十五卷縣大夫胡君惟信恐其埋歿亟取鏤梓以傳謂濂嘗從先生學俾為之序濂也不敏何足以知先生追念疇昔侍几杖華川之上先生酒微醺歷論文辭原乎學術每至數百言自顧于道無聞溺志汗漫無根之城不足上承明訓方將刻厲別去陳腐以振華英而九京不可作矣俯仰今古

昭文席湜藏書

能無感乎姑誦所聞以書于篇端若先生所以擅一代之盛者則不待序而後見也先生諱潛字晉卿姓黃氏婺之義烏人其官序行業具見臨川危公所撰神道碑銘茲不著門人同郡宋濂謹序



昭文席湜藏書

黃文獻公集目錄

第一卷

五言古詩

雜詩

人事如草木

微雲翳白石

連雨雜書

夜歸

讀忠簡宗公遺事

西峴峰

陳生詩

寄方子踐子發

東園晚歸

送朱仲山之京

初藁

效古

煌煌明月珠

古意

晚晴

陪諸老夜飲

曉行湖上

夜興

述懷

寄俞子易

送凌吉叟杭州教授

贈葉審言別

舟中偶書

晚泊釣臺下

登鍾山最高頂

休日集于城南

卞忠貞公墓

制使馬公祠堂

送人赴廬陽學官

發金陵留別一二同志

龍灣夜泊

敬亭山

宿雲黃山作

重登雲黃山

秋夜觀書作

覽元次山春陵行有感

登錢山望蕞城

逸山過姚紫英別業

次韻答蔣明甫先生

次韻答儒公上人

和方韶父先生韻七首

七言古詩

可憐行

崑崙歌寄吾丘子行

梓山行贈秦生

采芝曲贈永嘉林道士

登方巖謁赫靈祠

金華山贈同遊者

昭文席湜藏書

送俞觀光

讀清江集

題李坦之詩卷

清明日陪諸公入南山

送傅主簿

茗溪風雨中章德茂同泛

由茗溪出太湖抵陽羨

次韻方子踐雪中見寄

第二卷

五言律詩

寄方韶父先生

雨二首

雪

送友人

寄友人

秋懷五首

柴荆

憑軒

風雨

山中懷友七首

悼雙林栗上人

社日重過方子踐

聞子踐卧疾

和吳贊府齋居十詠十首

過謝皋羽墓

元日即事

八詠懷

溪南即事

明月樓

含香道中

懷楊仲弘

八詠樓遇方子踐

杭州寄子踐

次韻答子踐

劉聲之爐亭夜話

雨三首

金陵客舍漫書

陪仇仁父先生登石頭城

抱琴

吳贊府挽詩三首

春日郊行雜興三首

次韻答友人

九日登石頭城

寄李生

七言律詩

送孫君文判官

感舊

鳳凰山

開元宮

早起

寄疎君

次韻答吳正傳

寄葉審言

昭文席漫藏書

獨立

即事

與劉君師魯偶遂良觀

九日

次韻山南先生遣興

寄仇仁父先生

寄朱十八丈判官

寄朱仲山

寄友人

夏日漫書

逢葉伯幾

宿賈氏山房

送友人之京

答友人

憶友人

哭李無逸

過烏傷臺

雜興

山中夜歸

旅夜

三月三日西湖舟中

金陵天津橋

送友人歸豫章

哭陳茂卿

宣城客中偶書

梳頭得白髮

送韶父先生遊京口

山南先生挽詩

喜方韶父先生至

韶父先生有詩復次韻以和

寄張如心

送王傳朋

送揚州傅學正

余山

龍潭山

遣興

次韻方子踐觀湖

杭州寄里中一二同志

同儒上人謁黃尊師

客樓雨中

次韻答蔣春卿

送楊山長歸錢唐

章德茂同登車蓋山

重遊毗山

湖州過葉士心

太卿年公挽詩

次韻牟主簿南湖客中

次韻姚子敬筠庵別業

次韻別程晉輔

花信

草意

五言絕句

夜坐

山中偶題

昭文席湜藏書

七言絕句

寒食舟中

哭御史王公

金陵客中送友人

有感

遊北山智者寺十首

避暑圖

圍碁圖

陶學士驛舍圖

次韻章兄雨中

偈二首

第三卷

賦

離居賦

騷

訟魁

答問

答客問

雜言

賈諭

讀賈生傳

陸君實傳後叙

說水贈蔣春卿

贊

閑閑贊并序

碑

長興州東嶽行宮碑

記

湖州路總管府題名記

山南先生集後記

序

陳茂卿詩集序

送葉審言詩後序

送孔周卿序

送徐生序

送養直師序

題跋

題陳茂卿詩卷

題山房集

昭文席湜藏書

昭文席漢藏書

題松溪圖

題周鍊師雲崖圖

贈熊天瑞先輩

番易周節士歌

送李憲使赴燕南

贈夏德頌

風樹吟為李生作

五言律詩

次韻答陳君采

洋山夜發

陸氏水軒分韻得揚字

寄黃伯陽

送陳養直歸四明

送胡允文紹興錄事

讀陳制幹遺事

隆山牟先生挽章

入京道中寄同里諸友

送句龍提舉之雲南

題天童疊秀軒

癸酉四月同子長之赤松

送簡縣尹

送趙仲理御史

送趙宗吉御史

送馬伯忱教授

送王道一郎中

送宋顯夫憲

送宋翼卿照磨

送潮陽蘇縣尹

次韻西山行香

題道士熊君壽母詩卷

七言律詩

闕下口號

賜第後歸謁郡府置宴

明日鄉先生復為置酒

北山歸路呈古心師

喜趙繼道至有懷陳君采

寄曹子訥于壽道二同年

寄別宋推官

送姜學錄

送鹽官傅都目

送貢教授致仕歸里

陳山晚泊

送三高士陸主奉

送陳推官之信州

送胡古愚兼簡道傳博士

送淮海書院丘山長

留別錢翼之

諸暨休日偶書

湖心寺夜坐

次韻答徐文蔚

送顧仁甫上計京師

送沙彥文架閣

題金明晏游圖

昭文席湜藏書

上巖訪一公

寄題高遠樓

題東柯谷圖

聞趙繼清調安陸縣尹

送單縣尹

題雪竇妙高臺

題觀海圖

次韻題劉氏石壁精舍

送葉仲興巡檢

和外舅主簿自為挽詩

留別一公琳公

送趙繼清潮州推官

送傅汝礪之安南

送式公歸高麗

題寧節婦詩卷

送孔御史歸曲阜

送龍南歐陽縣尹

送謝仲連小鹿巡檢

送烏編脩代祀海岳

贈黃資深

題張武定公死事詩卷後

題王君冕同年芳潤亭

題丁文苑同年哀詞後

送尉彥誠道州經歷

送陳季和

送陳君歸江西

送張良卿學士之淮南

次韻蘇侍郎平村暮歸

壽吳宗師

嗣天師禱雪有應

送王法師祠武當山

送尚子正理問

送蘇伯脩憲使

送王止善檢拔

送高唐李知州

送傅汝礪廣州教授

送劉遂初脩撰

送于指揮歸密州

書巢張君挽章

五言絕句

題趙公畫蘭竹

七言絕句

松江舟中偶書二首

青山白雲圖

松竹畫眉圖

追和景傳新店客舍壁間韻

灤陽邢君製芍藥芽

次韻虞閣學士京道中

題李早畫馬

水僊圖

石節婦詩

宣和畫木石

昭文席湊藏書

題高公畫竹木

山水圖

海月圖

送許參政歸武昌別業

飲後示陳生

題洪崖出遊圖

第五卷

制

二程子加封制二首

表

翰林國史院賀正旦表

國子監賀正旦表二首

國子監賀聖節表二首

國子監賀冊太皇太后表

國子監賀冊皇后表

國子監賀太皇太后正旦表

上太皇太后賀冊皇后表

牋

翰林院賀皇后正旦牋

國子監賀皇后受冊牋

箴

明樂齋箴

勤有堂銘

兼善齋銘

映晦齋銘

息菴銘

圓硯銘

興讓堂銘

方齋銘

青石硯銘

贊

擊蛇笏贊

記

明正書院田記

上海縣學田記

常熟州學田記

福春院記

龍山淨明寺記

瑞雲觀記

澄碧堂記

東陽門樓記

平江西虹橋記

松陽惠洽巡檢司記

諸暨州鄉貢進士題名記

鄞縣義役記

昭文席湜藏書

傅氏義田記

潛窩記

慥慥齋記

鄉學記

浦江縣三皇廟記

淨居院記

滿心寺法堂記

清澗寺記

衢州大中祥符寺記

延慶寺觀堂後記

第六卷

記

岳林寺經藏記

達觀院興造記

容成太玉道院記

永嘉縣重脩海隄記

北禪寺觀堂記

百丈山師表閣記

昌平縣石橋記

蘇御史治獄記

自怡齋記

巽菴記

序

石臺紀遊詩序

地鈴序

聯珠續集序

方先生詩集序

見山集序

送曹順甫序

送東川書院陳山長序

周易集說序

字鑿序

法書類要序

陸氏藏書目錄序

錢氏科名錄序

送王照磨詩序

送鄭生序

鄭氏義門詩序

夏生文藁序

第七卷

序

送王雲卿教授詩序

送吳良貴詩序

送應教諭詩序

送汪生序

李節婦詩序

送楊知州序

送八元愷序

送高承之詩序

送李子貞序

送饒安道序

昭文席湜藏書

東郡志序

科名總錄序

彭克紹詩序

送吳生歸黃巖詩序

送徐生歸吳中序

題跋

跋李北海永康帖

題黃給事山居圖

書石曼卿館直詩後

跋蘇公父子墨迹

跋東坡贈策三詩

跋山谷贈元大師詩

跋崇國公墓誌銘

書先聖先賢圖贊後

跋朱張二先生帖

記止善集

題脫鞞返櫂二圖

跋續歸田賦

書王中伯詩卷後

書餘姚新學詩後

題徐君行卷

記石經

恭跋御書奎章閣記石刻

跋李西臺書

跋畫錦堂詩

跋韓令公真贊

跋黃希明字說

書肯齋李公遺墨後

讀譚汝楫傳

跋荆公帖

跋宋元暉帖

跋宋諸公遺墨

題吳興趙公書洛神賦

跋平雲南頌

書唐誥後

題東坡臨鍾繇帖

記水樂亭詩

跋宋南宮帖

題雲山圖

先世墓銘後記

先居士樂府後記

跋景傳遺文

跋景傳新店灣

第八卷

題跋

跋張監丞代祀虞帝廟詩

書王氏忠孝堂記後

跋劉聲之詩

跋俞好問記外家遺事

題穀餘圖

書趙繼清詩集後

昭文席湜藏書

跋進學工程

跋胡氏家藏公牘

跋蘭亭五字損本

跋蘇黃二公帖

跋晦庵先生帖

跋淳熙名公帖

跋蔡母潛詩

題真文忠公小像

書仙都王公遺墨後

跋葉南康遺墨

讀蘇御史奏藁

跋項可立序舊

跋致懋亭紀詠

跋何節婦詩

書曾氏家譜

跋思親堂記

跋思存堂記

跋奉先堂記

跋和靖先生帖

跋誠悅堂記

跋常掾平反序

跋臨汝記

書申屠公墓表後

跋蘭亭叙

策問

上都鄉試蒙古色目人策問

國學蒙古色目人策問

國學漢人策問

江西鄉試漢人策問

啓

謝鄉試主司徐照磨啟

賀周縣丞啟

通李州判啟

疏

請如公位寶林疏

勸農文

諸暨州勸農文

祝文

謁先聖祝文

諸暨州謁廟祝文

太史院秋祭祝文

國學遷設先師配位祝文

大成殿修造祝文

祭文

祭永康胡先生文

昭文席誤藏書

第九卷

廟碑

濱國文忠張公祠堂碑

閩國忠愍王公祠堂碑

墓碑

格菴先生趙公阡表

濟南高氏先塋碑

吳君府碑

故民應公碑

墓表

石先生墓表

墓誌銘

張君妻趙氏墓誌銘

左右司都事劉君墓誌銘

深州知州劉公墓誌銘

天水郡侯景惠趙公墓誌銘

漢陽知府盧公墓誌銘

霽峯李先生墓誌銘

第十卷

墓誌銘

楊仲弘墓誌銘

張弘道墓誌銘

黃彥寶墓誌銘

青陽縣尹徐君墓誌銘

海運千戶楊君墓誌銘

茶陵州判官許君墓誌銘

龔先生墓誌銘

奉訓大夫漆提舉墓誌銘

奉議大夫傅公墓誌銘

胡景呂先生墓誌銘

素通甫墓誌銘

項君墓誌銘

城山長墓誌銘

胡君墓誌銘

鄱陽朱君墓誌銘

馮君墓誌銘

呂君墓誌銘

秋江黃君墓誌銘

外姑夫人李氏墓誌銘

墓碣

陳子中墓碣

董秉彝墓碣

蔣君墓碣

塔銘

昭文席溪藏書

天童坦禪師塔銘

智者勒禪師塔銘

四明乾符寺容公塔銘

傳

黃節婦傳

第十一卷

續藁中

賦

太極賦

辭

白雲辭

五言古詩

丙戌同輝公登紫微岩

湖上即事

試院諸公西湖同泛

題清華亭

題松聲樓

送寧上人歸吳中

七言古詩

題錢舜舉畫

題李氏白石山房

題張清夫心遠堂

題醉歌圖

五言律詩

題石門淨勝寺

送鏐上人遊廬山

送矩上人遊廬山

初至寧海

試院同諸公為主試官作

試院同諸公為監試官作

次韻王眉叟真人自述

七言律詩

題莫氏山莊圖

送繼公住東掖山

送覺上人遊金華山

次韻伯雨雪中同登來鶴亭

與何鼎叔鉉相見錢唐

至大庾成謁松濤真人追用前韻

送內史府孫知事還京

送史景福

次韻答薛玄卿真人

贈龍山詞上人

府判謝公挽章

昭文席湜藏書

五言絕句

題馬虛中畫

七言絕句

題宣和御畫

題陸山長柳洲

題清鏡閣

題趙伯容鶴巢

次韻答濟公

桃源圖

瑤池春宴圖

次韻題墨梅

題先照樓

贊

李御史畫像贊

學軒贊

王真人七十壽像贊

碑文

廣利禪寺承恩閣碑銘

記

江浙行中書省題名記

江浙行省左右司題名記

義烏先達題名記

義烏縣學明倫堂記

徐偃王廟碑後記

忠簡宗公祠記

鳳凰山禪宗大報國寺記

上天竺寺觀音殿記

天竺靈山教寺大殿記

龍興祥符戒壇寺記

重脩釣臺書院記

海鹽州新作大成樂記

德清縣學祭器記

南山題名記

第十二卷

記

寶林華嚴教寺記

虎丘雲巖禪寺記

菁山普明寺記

蔣山寶公塔記

圓覺法寶寺舍利塔記

化城院記

通濟橋記

博古堂記

述古堂記

西湖書院田記

昭文席誤藏書

沈氏義庄記

敏學齋記

間止齋記

記高祖墓表後

湯氏義田記

寶忠堂記

學齋記

第十三卷

序

劉忠公奏議集序

雲門集後序

徐氏詠史詩後序

六藝類要後序

霽峯文集序

吳正傳文集序

送索御史詩序

送周明府詩序

送慈谿沈教諭詩序

贈余生詩序

師友集序

紀夢詩序

族譜圖序

族譜圖後序

送高節書院劉山長序

跋

跋東坡臨明遠帖

跋唐臨王右軍二帖

跋嶧山碑

跋泰山碑

跋唐御史臺精舍記

跋館本十七帖

跋林和靖詩

跋李西臺書

跋范文正公與尹舍人帖

跋范文正公書伯夷頌

跋東坡書秦少游龍井題名

跋徐州鹿鳴燕詩序

跋靜修先生遺墨

跋默成潘公帖

跋趙魏公書歐陽氏八法

跋翠巖畫

跋餘姚海隄記

跋錢翼之千文

書賈氏家譜後

跋南豐曾公謚文定覆議

跋右丞葉公上書副本

書葉信公年譜後

跋閻立本畫

跋褚河南書兒寬贊

跋唐臨蘭亭

跋蘭亭圖

昭文席湜藏書

跋晦菴先生帖

跋宋諸公遺墨

跋溫公通鑑草

跋朱椽辨誣詩卷後

策問

江浙鄉試蒙古色目策問

江浙鄉試南人策問

公文

代瀾東憲使請立耶律文正公書院公牒

祝文

謁胡侍郎墓祝文

先大夫封贈祝文

第十四卷

碑文

宛平王氏先塋碑

墓誌銘

前承務郎王公墓誌銘

信州總管府判官謝公墓誌銘

御史臺都事李公墓誌銘

青田縣尉鄭君墓誌銘

安陽韓先生墓誌銘

白雲許先生墓誌銘

慈溪黃君墓誌銘

化州路儒學教授王君墓誌銘

潮州路知事孔君墓誌銘

第十五卷

墓誌銘

上千戶所避都臺墓誌銘

穀城縣尉蔣君墓誌銘

建德錄事劉君墓誌銘

大名路滑州知州王君墓誌銘

江浙副提舉許君墓誌銘

江浙官醫提舉張公墓誌銘

江浙官醫提舉葛公墓誌銘

錢翼之墓誌銘

饒州路許教授墓誌銘

鄒府君墓誌銘

華府君墓碑銘

蔣君墓碣

呂君墓碣

水西翁呂公墓誌銘

第十六卷

昭文席湜藏書

勅賜大龍光華嚴寺碑銘

記

冀寧文忠王祠堂記

監脩國史題名記

翰林國史院題名記

上都翰林國史院題名記

中書省右司題名記

御史臺殿中司題名記

杭州路儒學興造記

第十八卷

記

杭州明慶寺記

平江承天能仁寺記

南天竺崇恩演福寺記

半山報寧寺記

大洪山崇寧萬壽寺記

壽光寺記

慶元玄妙觀玉皇閣記

胡侍郎廟碑陰記

樊川記

白牛鎮戴氏義塾記

玄靜菴記

婺州路新城記

昭文席湜藏書

松溪縣新學記

杏溪祠堂記

遠懷亭記

八世祖墓重建石表記

先祖墓石表記

先考墓誌銘後記

東陽徐氏族譜圖後記

楊氏祠堂記

第十九卷

序

資政備覽序

送徐彥禮赴冀州尹序

隆山牟先生文集序

順齋文集序

繡川二妙集序

送鄭仲舒詩序

石門六觀詩序

題跋

跋御書明良二大字

跋御書慶壽二大字

跋御賜永懷二字

跋素翰林鹵簿詩

跋武學博士朱公誥

跋王江州誥

跋危公墓誌銘

跋宋兩朝遺墨二首

跋米元章書蘭亭序

跋傅氏所受詔命

跋金滕圖

跋方承奉墓誌銘

跋歐陽文忠公帖

跋軋淳四賢墨蹟

書曾大父代朱簽判作啟劄後

策題

會試漢人南人策題

祝文

太廟時享祝文二首

太史院重脩簡儀告成祝文

行狀

魏國公謚文忠李公行狀

第二十卷

神道碑

鄆文忠王神道碑

勅賜康里氏先塋碑

昭文席湊藏書

安慶武襄王神道碑

魯國公札刺爾公神道碑

定國忠亮公神道碑

左丞亦輦真公神道碑

第二十一卷

神道碑

御史中丞董公神道碑

冀國公謚忠肅董公神道碑

文安揭公神道碑

文肅鄧公神道碑

文靖徐公神道碑

第二十二卷

墓表

蛟峯先生阡表

盤峯先生墓表

翰林待制柳公墓表

張子長墓表

墓誌銘

婺源州知州程公墓誌銘

富陽縣尹倪公墓誌銘

宣慰副使王公墓誌銘

第二十三卷

墓誌銘

太常博士危府君墓誌銘

台州儒學程先生墓誌銘

金溪曾君墓誌銘

葉審言墓誌銘

上海縣主簿吳君墓誌銘

海運副萬戶曹公墓誌銘

華亭黃君墓誌銘

南稜先生墓誌銘

奉化州同知葉府君墓誌銘

戚君墓誌銘

樓文翁墓誌銘

東陽許君墓誌銘

退藏山人墓誌銘

松江府判官王公墓誌銘

金華黃君墓誌銘

龍泉章府君墓誌銘

青榭居士墓誌銘

墓記

外舅王公墓記

黃文獻公集目錄

昭文席湜藏書

黃文獻公集卷第一

初藁一

臨川危素編

五言古詩

雜詩

日月東西行羣動亦不息寄身萬物中寧獨謝茲役所以魯
遑遑走南北聖哲諒已然旅人能久安

晨起步南園旭日朗以清葵花衆草中曄曄敷丹榮流光非汝私
獨爾心自傾覽物有深懷矧立方含情

璞玉與寶劍淪落初未偶君看被滌穢各在千年後
誰當獨長久悠悠百代下相知復何有

孤雲澹無心出山偶為雨長風忽吹散渺渺
突兀青如故偉哉魯仲連功成身已去

春風著萬物欣欣皆自私可憐兒女花榮悴更相持
偃蹇如不知何疑揚執戟草玄鬢若絲

效古

上山見明月下山月相隨月豈知愛我我行自見之故山日以遠
故人不可思殷勤謝明月願爾無時虧
女美衆所悅士窮世所輕輕重安足言泥盡水自清淮陰初寄食
曲腰跨下行季子黃金多妻嫂來相迎自古已復然歎息空吞聲
擊石乃有火石火光不揚攀天亦有路天高路何長嵯峨萬古雲
下覆歌哭場富貴誠足多貧賤不可忘
落花隨風吹各自東西飛花飛既不息水流復無極同生不同歸
能勿異顏色木生則有枝豹死則有皮悠悠岐路間多言亦奚為
飲酒莫盡醉盡醉無餘懽讀書莫吊古吊古多悲酸蕭艾蔽中野
白露摧芳蘭鳳飢不得死鳩集食琅玕

人事如草木

人事如草木一氣榮悴之外物何預人而冥喜與悲堂堂
昔者跨下兒窮通本邂逅達者固不疑既生亦隘人慟哭

昭文席湜藏書

煌煌明月珠

煌煌明月珠未害居濁水君看黃河黃豈解污清濟我方遺吾形
寵辱齊一指懸知破琴戴未若慘摠禰

微雲翳白日

微雲翳白日羣動何喧喧嗚呼麒麟兒化為猴與猿登高望四荒
但見黃河奔誰哉泝其流與我歸昆侖萋蕤青桂花霜霰日已繁
豈不有桃李對之可忘言

古意

荆人初得玉趺足辭巖阿持獻萬乘君君門正嵯峨誰其尸國工
謬以石見訶迷邦誠不忍欺君反同科臣口不自明臣心終靡它
抱璞重再拜呼天淚滂沱淚盡血可續玉在良已多是事古則然
嗚呼今奈何

連雨雜書

蕭蕭十日雨出門竟何之不愁道路難所懼沾我衣悠悠者屋梁

作計亦已癡有酒不辭飲且遂哦吾詩
昔慕粟里翁頗復志耕耘偶入翰墨場把筆學為文偃蹇獨何
喧嗽浪云云念彼荷蓑子窮年愧其勤
虛堂坐無言繾綣悲宿昔常時眼中人已如不相識剝啄者誰子
令我喜折屐忽去已莫追一笑岸玄憤
我思仇山人山川莽回互十書九不到木葉歲頻莫頗聞近移
併失夢中路得無挈妻兒倒載入山去
今日曷不樂孤侶無與酬兀坐把書卷展玩不自休借問誰所為
其人已千秋山雨政可聽撥書置床頭

晚晴

洩雲散積雨林木含餘清披衣有奇懷偶從林叟行新晴遠
夕陰孤花明曠日固所虞聊茲息營營

夜歸

空山四寥寥落日翳榛莽蛇蜒草中徑躡屨度寒雨楠杉窈深黑忽

昭文席湜藏書

忽疑伏虎林窮澗水明稍聽歸人語

陪諸老夜飲

世故不可料忽若浮雲移坐令百年內顛倒殊懽悲顧惟我與公
異代同一時覽古既深慨撫今亦餘噫長川去悠悠青山莫委蛇
向來遠遊意我行方遲遲咄哉有志士卒歲恒寒飢况復託渺茫
欲與千載期盈虛信天運廢興豈人為願公姑舍是一觴聊可持

讀忠簡宗公遺事

公初起潯陽艱危屬多壘蒼然國家意委身干戈裏陰飈卷翠華
朔雪被南紀悠悠虞淵日力盡揮不止寅恭秉齋鉞際會開朱邸
長安付馮異漢業中興始宮庭數汎掃蹕路無荆杞疾心望鑿輿
感激涕如水上表方出師嗚呼孔明死宴安不可懷肉食無乃鄙
巨舟竟未焚三語猶在耳蕭然舊祠下碧草垂階祀登堂挹光儀
赤烏仍几几千載墮淚碑一夫敢殘毀傳家有遺書叙事非虛美
勗哉慎失墜庶以裨信史

曉行湖上

曉行重湖上旭日青林半霧露寒未除鳧鷖靜初散寅綠際餘景
閃條多遺玩會心乍有得撫已還成嘆夙予丹霞約久茲芳洲畔
獨往願易違離居歲方換沙渲芷芽動春遠川華亂存期乃寂寞
取適豈爛漫小隱倘見招漁樵共昏旦

西峴峯

層雲抱春岑急瀨洩嵌竇脩蹊入窈窕衆綠蔚似茂名亭標水樂
柱折荒碑仆幽尋得緇廬亂石扶結構青精午堪飯碧澗寒可漱
平生慕真賞及此成邂逅冥探指絕頂有路忽通透綠蘿度蒙密
翠氣濕衣袖寄身沈寥內下晚人寰陋清謳雜風竹大嘯落巖狖
東峯在眉睫可望不可就同遊却何時瑤草春已秀

夜興

秋氣入病骨殘夢倏然驚芭蕉葉間露風過皆成聲攬衣沈寥內
搔首天河橫飢蟲語不休中宵誰汝令孤鴻亦何苦犯霜度微明

昭文席湊藏書

悠悠念羣動百感忽我并大化倘不爾吾其免營營

寒星挂疎林夜色翳餘暝鷄聲驅行客出門路方永亦有山中人
熟睡初未醒而我立于獨婆娑玩光景一笑天宇青此意君自領
舉頭見殘月葉脫知深秋今我曷不樂歲月如驚鷗常憐古志士
辛苦歌飯牛空山夜漫漫政合秉燭遊臨風振吾衣蕭瑟不得留
小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處膝下
不問晨與昏叢叢萬井中陳生深閉門暉暉百花時陳生不窺園
常恐去左右或乖覆育恩一朝抱長痛飛霜隕秋萱鹽酪不入口
日夜涕傾盆欲娶弗及養矢言終不昏尚賴百歲後兒子父所孫
朝來遊子衣忽逐東風翻世方醉糟粕何庸薦犧尊陳生願謂我
是事安足論幸託山水窟放情詠蘭蓀嗟今學步者觸險爭飛奔
願爾利鋤鏤深斲六籍根願爾進羊觴高沂百聖源源長流自遠

根大枝乃蕃勿搖崔嵬筆誇作礫塊言弘惟孝與弟百行茲其元
咄哉行勿休日月方沄沄贈言豈予敢情真覺辭繁匪為陳生榮
庶感薄俗敦

述懷

端居有多感求志無餘營夙違金門路緬愛丹丘名謬忝君子顧
捧已廁羣英早棲念遠引窘步迷先征俛默敷宿尚低徊阻平生
伏枕倦中夜攬衣寄遐情上天廓澄穆列宿揚光晶俯視林木改
仰悲鴻鴈鳴跂予秉微素十年守柴荆希世乘近務慕隱餘衷誠
願言良時晚庶保幽人貞

寄方子踐子發

窮居悵無遂徂歲聿載陰飛翹隕芳華候蟲厲哀音曾颺扇叢薄
法露棲喬林撫景慨徃古端操思繼今折蘭間幽佩解纓濯清潯
石林宿葱蒨桂栢鬱蕭森遺世豈予敢匡時非我任覽已謝高軌
即事念所欽纏綿阻道里緬邈眺岡岑委懷矜芳訊貽好在規箴

昭文席湜藏書

寄俞子易

間居寡歡豫枉駕忻周旋清言邁修夜朱火銷餘煙嘉會良不易
鬱抱罄所宣揆余徇微業春冬屢徂遷著徽作徃哲馳芳謝時賢
曠茲企三益揮袂增慨然杪秋淒且厲郊圻曠阡眠振聽卷飛鶴
積霧迷遐川契濶歲復流瞻望情所牽存期尚勿奪輔仁庶不謬
紫芝無新曲白駒有遺篇天心遂招要贈言比芳荃

東園晚歸

泐忍嬰近務超遙愛佳辰興言望東菑良苗藹津津鄙人昧時趨
曠途夙所遵幸遠簪組累稍欣田圃鄰兀兀登故畦悠悠睇城闈
理穢出新竹撼枯落荆薪夕日逗遠川餘暉散衣巾疊疊觀物變
依依念農人渠渠長者言惻惻非賤貧

送凌吉叟杭州教授

浙水西八州維杭實名都古來萬人海逐逐無賢愚况茲百年後
淳朴古不如翩翩誰家兒白馬驕路隅春風樊樓醉一笑百斛珠

亦有朱門家齊謳間吳歛綃綺散煙霧繽紛被僮奴可憐彼蚩蚩
久為紅塵驅頽俗如波瀾孰障羣流趨又如敗屋壁風雨須人扶
博士非冗官豈即無良圖當令歌舞場化作荏誦區行矣循所務
辭章信其餘春風慘別衣晴沙秀蘆何以贈子行白雲不可呼聊
持狂者言用比貂襜褕

送朱仲山之京

麒麟出渥洼意欲周八極芻豢豈不多未便甘伏櫪念君抱耿耿
坐視暄涼易忽辭白髮親去作青雲客應恐鄧仲華笑爾長寂寂
鄙人屬有念未辨經世策青燈兩如綫窮巷方偏仄懸知操斧斤
不必睨樛櫟往哉布汝懷庶用副前席勿云萬戶侯自可談笑覓
百年滔滔內歧路足南北出處會有為聚散奚暇惜歌我辛苦詞
送子遠行役崢嶸壯士志慘澹遊子色那無平生期慎爾保金石
莫將賈生淚先為離別滴

贈葉審言別

昭文席淚藏書

昔人稱好士乃有黃金臺黃金亦何物顧用驕賢才葉君被短褐
志力何雄哉北走呼閭闔紅雲指崔嵬終然無苟售自保同嬰孩
車服非吾榮黃金直浮埃十年今何官茅屋歌蒼苔豈無琅玕樹
鳳飛故依徊一朝脫身去歛觀雲路開葉君善自愛往矣毋嫌猜
迷邦古所誚豈弟貴不回願言吐奇骨落落排風雷尚念窮賤者
衡門守蒿萊

舟中偶書

我舟合江潯水清石額額念此殊可喜如何有行役沙頭白髮翁
捫蝨了晨夕茅茨八九椽終歲閱過客

晚泊釣臺下

四山環一水遺臺故嶺屹那無漁樵居政復不敢安舍舟衝微雨
憑軒俯清灣念昔乘興來無從寄游觀今我有行役乃爾容躋攀
山靈豈愛我為解塵土顏落日奠蘋藻清風聞佩環幽尋不可極
林暝吾當還却去望層碧孤舟生晚寒

登鍾山最高頂以三山半落青天外為韻得天字

平陸漫千里茲山乃穹然猶憐布金地未即辭喧闐巖液散珠琲
春岡走蜿蜒稍欣涉幽邃登頓衣屢褰路細石礚礚崖深竹娟娟
洞扉剗開敞峻峯指中天冥探歷欽釜垂蘿弱容牽碧潭隱光怪
華雨標崇筵下睨飛鳥背茫茫但蒼煙渺默玄圃期淒涼雲嶠篇
休駕將未能惆悵春風前

休日集于城南

投耒從遠遊率世乘明略豈不有簡書未能置丘壑崇岡近盤互
春物紛照灼休沐集諸彦迂趾惠前諾稍空林中尊復詠霞上作
迢迢歷墟壠靡靡瞰城郭脩楊蔭晴渚野櫻散朱萼撫時悼推斥
畢景頽樓託損益向子明才能賈生薄嗟言觀歲寒無將媿塲藿

卜忠貞公墓

江左失其御強臣玩天誅歡娛一以乘狂獗無越起黃屋布草野
彤庭交劍受事樞始誰秉捧首如奔狐偉茲百世士死與二子俱

昭文席湫藏書

孤哀耿未沫足以孚豚魚義旗果東指白日開天衢孰最撥亂功
之人或其徒伊昔大雅廢清言鄙文儒禾黍已橫委衣冠尚舒徐
屹然見砥柱獨障狂瀾趨高風邈難攀捐生乃區區青簡煥遺烈
蒼榛闕幽墟日夕悲吹多天高年運徂世方運骹骹猶將媿玄虛
江濤渺在望雪涕空漣如

制使馬公祠堂

朔風破滄溟白浪無餘地可憐甘棠樹乃爾能蔽芾借問誰所遺
馬公古能吏當年印累累庶務劇于蝟藏龜不待灼騁駿無留戀
偏仄兵馬區藹然承平意宴安亦聊爾國步方不易至尊久嘗瞻
壯士頻裂背煌煌青冥鉞可同牛刀試嗚呼豪俊人竟偃風雲志
致身豈云早生世已其季安知潁州守遂非廟堂器嚴祠閉寂寥
古木含蒼翠平生辨香祝母乃兒女事如何百載下能墮者碑淚
永惟茂陵翁苦心抱天藝力耘宜有收龜勉觀來裔渠渠桑梓恭
喋喋市井議庶哉瞻前脩樹德毋自畏

送人赴廬陽學官

播非人所居潭陽實其鄰荒淫雜巫鬼哀怨餘騷臣念子有行役
水陸彌數旬乃知臯比座佇承文翰賓遐徼指天末男邦控城闔
俎豆當在列冠裳定來臻足明理化風演溢周窮垠廣陌望八荒
出車日鞞鞞蠻荆孰無適忠信惟書紳簡書有程期取別無逡巡
揚鑣觸炎熱振鐸驚遠人沅水春蕩滴楚峯莫嶙峋行行慎其度
離別何苦辛

曉望

城頭鴉鳴曙起坐理冠憤開窓寫遙望煙霧竟川澤喧喧市聲動
漠漠井氣白如何山中人歲莫塵埃客

發金陵留別一二同志

盛名不易居直道我所遵雖枉嘉邈志未渝白圭言罷釣出滄海
迴帆遡江濱城闔遠滅沒風水屢崩奔蕭條故交地愴恨遊子魂
始雷茂陽澤孤生恨窮鱗沈翔自殊勢衰榮實同根戰勝物可遺

昭文席湜藏書

目擊道已存乘桴詎無取絕絃難具論寄言同心子毋徒念加餐

龍灣夜泊

乘潮出遠浦日莫北風平高亭不可望遙遙鼓聲月明寒鴈下
江空夕煙生非關川途念沈憂坐自盈

敬亭山

昔窺謝公作今陟敬亭寺微素忻始遊賞勝資深詣脩脩綠水木
宛宛交蹊術綠縹澗草豐幽颺松颺駛微鐘響杳障高閣浮花氣
聿熏旃檀妙豈愛岑壑媚憑生實內惕即事多冥契息陰曉松檟
褰芳懷芝桂海岳期屢遷石林路深閤經營乘道要迫窄餘物累
稽首調御尊尚飲無生惠

宿雲黃山作

束髮弄文史桂席去瀛壖邂逅乘良會擯落迨茲年息景念生理
洗心賓象筵恭惟上皇代異人秘靈詮宗師既逾海茲山亦棲賢
金棺滅雙樹寶篋緘紅蓮仰窺攝誘功信知願力堅內愧實菲薄

冥通未精專，褰裳碧峯雨。焚香石林煙，綵翠何紛紜。苔澗宵洄泂，
尋幽非外適。蘊真冀重宣，二邊離有無。五濁空腥羶，豈伊俄頃用。
庶謝平生緣。

重登雲黃山

茲山竇靈奇，吐納變舒慘。太常闕弗錄，名號何躡蹀。重華秩山川，
盛典軼封禪。蒐遺侈綸綍，躅潔羅醢醢。酖腐儒世所貸，薄藝守鉉槩。
無能旅駿奔，徒取肆游覽。霖潦時始收，天地餘藹曖。嵐光乍璘璘，
石狀終黢黢。行行恣芒屨，徃徃得蛙坎。冒進誠近貪，自畫將豈敢。
久之零埃豁，秀色坐可攬。青瑩挿鋒鏑，翕施披菡萏。崖奔馬駢駢，
石踞虎耽耽。高尋指天路，幽蹻極玄窻。前行幾台背，後或兩髦鬣。
緣岡既蹉跎，登嶺仍輻輳。舉頭塔廟湧，地平忽如毯。天人所食息，
瑤玖化餘糗。林輝寶燈燒，風語金鐸撼。敗壁詩者誰，漬墨亂濃淡。
險盡乃更佳，疲極復何憾。是節蕤賓初，野薦首昌歎。煮瀑茶可啜，
剖石蜜堪噉。名談析毫髮，苦語瀝肝膽。理冥心自珎，機湊首屢頓。

昭文席湜藏書

陽烏表西翥，衆色齊慘澹。崔嵬識梗楠，蒼莽辨葭菼。暮技僧所窠，
鐘鏜鼓紉紉。羣居肅不吳，共飯聲有噴。迴眺夸奪場，撫事叢百感。
趁名蛾赴燭，逐利魚投抄。何時脫火宅，霍若顛去領。綺言息誦誦，
妙供紛醴醴。於焉寄相羊，庶以忘坎壈。誰云入道苦，餘味需橄欖。

秋夜觀書作

間居感時駛，獨學難為功。眷言思古人，幽懷極忡忡。秉燭起中夜，
攬卷來清風。恭惟千載心，皎潔懸無窮。氓俗自升降，道妙非汙隆。
後來亦奚為，墨白紛相攻。芳華乍可悅，軌轍何由通。吾將離言說，
庶以觀其同。所憂明為累，不懼蓄不豐。開軒視明河，白月當天中。
怡然掩書坐，夜氣方鴻濛。

覽元次山春陵行有感近事追和其韻以寓鄙懷

惟王始建官，民命有所司。奈何閹流殍，束手無一施。屬者秋夏交，
上狀殊酸悲。赤日紛按行人馬，同時疲連阡。見標榜不救，飢與羸。
仍聞恣鞭笞，慘切傷膚皮。檢覈須再三，供張常恐遲。哀哀鬻兒女，

賢賢行安之感茲欲無訴既往何由追尚慙噢咻恩稍緩租稅期
云胡有倉卒徵歛更相隨但將充其數肯復計爾費肉食不自鄙
謂我非敢知棲棲甌石儲剝割無或遺言是隣壤凶藉此敷恩慈
寧知是州人俟死他無為出語餘喘息行步須扶持猶令比樂土
疾苦端謂誰使首州縣間道責自其宜况迫大府令聯絡飛符移
豺狼方在郊鷹隼宜用時區區獮狐兔政爾何增虧吾賦不及議
為君陳苦辭

登錢山望菰城慨然而賦

吳興水為州諸山若浮萍况此一培塿瑣屑世未名所欣漁樵居
乃與緇錫并種竹有萬竿結茅無十楹老僧解人意蹤履能相逆
芳草被行逕朱藤暗巖扃蕭條空塔暮日照莓苔青猶嫌所歷卑
未極遊眺情聳身白雲上始見春申城想當高會時樓觀飛青冥
竭海薦壘勺窮山羞鼎鉶安知千載後寂寞無人行煌煌冠蓋區
壤壤狐兔塋歸來朱門客聽此松風聲

昭文席湜藏書

逸山過姚紫英別業

逸山誠復佳逸人不可逢何言一笑頃得此蒼髯翁今晨過其廬
碧苔滅行蹤坐我松竹間野菽羅甘豐初無驚世談頗多曠士風
念昔去巖壑輟耕白雲中白雲故無恙我乃羞樊籠祇應山林癖
未易藥石攻高期出邂逅意氣將無同卜年舊泉石忽忽蟠吾身
起視白日低歸禽亂西東拔地森四壁攬天惟一峯復聞麻谷幽
近與金盞通山態方屢改泉源殊未窮湫然一區內嗟我何憧憧

次韻答蔣明府先生

文章不經濟耽書或成淫偶從長者游稍窺古人心不琢豈非玉
無弦孰為琴歲宴燈火微江濶魚龍深願言報嘉貺安得雙南金

次韻答儒公上人

抱琴辭故山落葉被四野淒其不能聲豈曰無和者誰誇織女工
苦念姮娥寡請公毋多談呼酒觴老瓦

和方韶父先生以滿城風雨近重陽為韻七首

掩書坐中宵塔空葉落滿不見書中人蒼燈夢秋館
豈不有膏沐所慕非傾城翠袖日以薄勗哉歲寒情
棲遲憐繫瓜夢寐追飛蓬去去羊荊州吳帆渺霜風
當年白衣人賴以慰風雨不飲政復佳有酒無用滑
江瑤配荔枝勝處終不近好醜且勿爭天道有定分
聾丞遂已矣日斷千山重煙霞故無恙勝會何由逢
寒華衰復榮東華幾殘陽蟠桃亦何好千年期一嘗

七言古詩

可憐行

紅顏白面可憐子杖藜飢走荒山裏翠眉新婦雪色兒掩袖嬌啼
瘦如鬼道傍朱門照霜戟腸斷汝翁呼不起金魚象笏供樗蒲
袴終然愁餓死春風秋月哀思多嗟汝少年奈老何

崑崙子寄吾丘子行

翠鸞啼雲天四垂花龍雙雙神姥歸金僊憶君淚如水昌陽落花

昭文席湮藏書

青蘂蘂曾城珠闕揚素氛開明矚矚環九門羲和走馬不待人鯨
魚吸海海生塵若有人兮悵脩阻紫玉參差老鳳語笑揮如意教
雲舞雲間鶴雛生兩羽歸來勿蹉跎秋風吹折玳瑁樹

梓山行贈桑生

昔聞山中采藥翁問姓但指簷前桐君家本以桑為氏胡不種桑
翻種梓桐君采藥不學醫桑君學醫兼采詩朝來索我歌梓山使
我閣筆頻指頤問君梓樹家何處青山難尋夢中路但見清風兩
袖寬詩筒戢戢多於樹長歌短歌亦奚為坐者藥籠懸蛛絲種桑
種梓俱有術也應無術醫君癡

采芝曲贈永嘉林道士

碧峯矗起三十六老芝千年琢紅玉帝遣仙人下采芝迷花失石
愴忘歸忘歸幾載無消息蟠桃積核高數尺何日青牛駕爾還肯
念金華牧羊客

登方巖謁赫靈廟却至壽山寺

一峰屹立摩蒼穹，四山拱揖如朝宗。寅緣飛磴入鳥道，獨扶瘦竹披蒙茸。初驚細路跼垠堦，歎見巨石蟠穹窿。洞門高開得絕頂，直恐上與丹霄通。想像胡侯此弦誦，草木遺韻猶泠泠。前脩往矣不可作，尚喜像設餘靈宮。登堂謁拜仰風采，奕奕華袞盤雙龍。白袍方領儼旁侍，英姿颯爽皆人雄。或云衆神各有職，出納雲雨天無功。斬藤絕壁泣萬鬼，飲馬大壑清羣凶。初疑此事出俚語，粉飾詐誕誇兒童。又疑靈異古或有，荒忽變幻難為窮。咄茲茫昧無足問，但怪俗子何憧憧。歲時歌舞連數郡，奔走童叟多于蠶。前呵後殿擬法駕，翠華赤羽搖晴空。恭惟英靈本正直，倏忽來往無西東。胡寧終歲久盤礴，縮取備物華其躬。荒哉舊俗豈侯意，嗟我欲詰愁無從。拂衣徑去指巖麓，巒花澗草紛青紅。峰迴路轉逢古寺，窈窕石室穿玲瓏。連岡爭前擁奔馬，飛瀑怒落懸長虹。荒尋遠討不易極，况乃人事多匆匆。向來獨立渺何許，煙霞滅沒山重重。却歸溪館弄明月，卧聽簫鼓來天風。

昭文席湜藏書

金華山贈同遊者三十韻

杖藜初出城西門，萬株紅葉如雲屯。芙蓉峯前問行路，宛宛一線隨潺湲。水聲漸遠山漸近，弱蘿纖葛手所捫。須臾橫側變峰嶺，高岸忽復為平原。細泉瀏瀏竹竿直，石樹駢立疑同根。剝金敗碧達廢刹，猶以第一名其軒。天明獨去吊遺迹，玉女委蛇空丘墟。樓居西起望明滅，石扉呀若山之樊。罅幽穴險徑沮洳，膝行匍匐不得奔。剗觀崖戶架溲泚，雙龍繞雷蟠。蜿蜿紛綸怪狀滿，巖腹熊虎踞。伏鸞鳳騫其餘瑣，無不有形求像索。難具言前趨林麓，却下絕俯臨九地窮涯垠。青枝翠羽不復辨，但聽風水聲喧喧。高燒松炬度其背，珠箔忽隨華燈繁。聳身上出指絕頂，碧桐高下彌山園。遙穿蓬艾躡雲雨，險艱從此不易論。秋毫細路莫容足，下瞰不測傍無藩。怪藤如鈎草如劔，舉首仰嘆愁攀援。山翁顧之笑引臂，前牽後接猴與猿。馳坑跨谷敬側過，背汗喘息逾魚喘。陰沈古洞閻星日，雖有寒暑無朝昏。却行左轉復深入，愈覺慘慄搖心魂。珠纓縹

縵現滿月稽首大士天人尊拂衣竟逐飛鳥下青山出沒波濤翻
或云漢人隱身處彷彿肩背餘苔痕蛇蟠磬折又數里龕巖十丈
開墉垣夜歸草堂殿突兀坐看雲月吐復吞怡然携手盡文士頗
覺筆下來源源名山石室如可託幸子歲宴來無諉

送俞觀光

寒窻讀書叻政悲坐聞剝啄走啟扉衝風踣凍至者誰俞子訪我
絲剡溪相逢把臂語移時婦女驚笑羣兒疑俗物病我不可醫眼
明見此珊瑚枝朝來贈我天馬詩忽然掉頭去莫羈鼻端氣息于
虹霓詎能折腰向小兒文章技癢聊爾嬉策勳聖處今毋遲賢我
愛子莫助之臨歧躑躅徒嗟咨

讀清江集

元祐儒臣煥星斗後有作者非其偶二龍三鳳何續紛况乃淵源
魯中叟適從塵編識英爽想見世澤遺忠厚長公平生二三策大
廷披腹驚羣后風流斑斑仲與季茅茨采椽絕丹黝獨追古昔寫

昭文席溪藏書

陽秋稍扶疵瑕到瓊玖却蟠餘力歸賦詠古硬清圓無不有爰初
人文啟河洛下逮百氏分戶牖空言可託匪末藝巨筆待援須好
手典刑未墜乃至今吾生已幸云何後青燈照夜雨如線輿論微
辭煩擊剖追慕政復慙捧心贊美胡能付鉗口從游起死不敢期
儻挹殘膏注空朽

題李坦之詩卷

神仙中人世莫識政以文章為戲劇李生也復可憐人手種蟠桃
待春色山空歲寒誰念汝青楓墮影霜露白遠遊賦成一朝去翠
蓋雲旗暮何適蓬萊煙霧秋冥冥鄧君白鹿無消息袖中驪珠三
百顆夜深勿近蛟龍宅金華之山青矗天山人者山忘歲年黃精
芝草幸可食安得與子巢其間石床醉聽松風眠無為長歌怨如
哭使汝惻愴凋朱顏

甲辰清明日陪諸公入南山拜胡侍郎墓回泛舟湖中作

日終甲子斗直辰持觴遠酌胡侯墳兩漿趁鷗背城闈四十有四

同州人半為吳語如季真湖窮岸出水陸分舍舟登途指嶙峋少
年健走黃犢奔或乃喝道驚春雲老翁滿足仍後塵解衣徑眠草
為茵前趨一里趨廟門杖藜不得辭微辛巖祠高居絕四隣傍為
一丘標石麟升塔鞠躬羞藻蘋拜興有相祝有文亦或稽首稱諸
孫歸途探幽挾荒榛下晚塵上多蟲蟲放舟催發無逡巡勝賞莫
許窮涯垠開蓬列坐羅羶葦託名鄉飲無主賓誰歎解事強討論
欲以窮達為卑尊美人今代王右軍口吐秀句天葩芬鴈行拱立
何紛紛爭言我公詩絕倫龐眉被褐兩山民閉目宴坐方申申臧
舟黑亭鴉噪昏晴楊吹花灑衣巾裁詩紀實聊云云慎勿浪傳來
怒嗔

送傅主簿

吾聞上古之士比屋皆可封有材不必登王公可憐銜青日尊貴
飛將自老風塵中傅公平生經濟手却抱一生今白首隨人騎馬
著青衫爽氣如虹貫牛斗出門大咲望長安長安萬里行路難行

昭文席湜藏書

路難知奈何贈公一杯酒請公聽我歌崑崙之山兮高巍巍黃河
之水兮清有時洛陽少年休太息東山謝公來未遲燕昭之事不
足云陛下威德如華勛願公功名遂身早退魯連小兒能笑人

苔溪風雨中章德茂同泛

黑風翻江白雨傾檣歌柁側斷人行此時惟我與章子孤舟蕩漾
煙波裏蒼蒼楊柳黃浩歌擊舷興彌長翩然一葉怒掀舞青山白
塔頻低昂朝過城南暮城北舟人問我將誰適章子棹頭作吳語
秋水夜來深幾尺忽者大字標竹林寺門對水仍陰陰敲門見竹
不見人竹間翠石何蕭森迴舟少林雨如注四顧冥茫但煙霧魚
驚龍躍吾不知披蓑却入菰蒲去岸傍羣兒拍手呼笑言狂客世
所無嗚呼古人今則無後來視我知何如為君留此有聲畫題作
扁舟煙雨圖

由苔溪出太湖抵陽羨十四韻

首陽山人餓至死陶公乃為飢所驅大賢出處自有意腐鼠何得

疑鶴雛誰初令我墮世網久抱礫研行崎嶇今晨笑與親友別煙
波泱泱扁舟孤穹天大澤合為一回睨人境茫如無向來蟻聚安
足戀而取窘束同囚拘暮枝高館燈閃閃坐設姬孔歌黃虞是間
幸可容一息孰與臣朔肩侏儒汗顏俛首飽腥腐咄子所樂非我
娛故人殷勤入我夢云我作計陋且愚此生通塞久自斷豈愛一
勺忘江湖春風二月花藏野珊瑚玉樹惟空林丈夫兒女各有事
為君起坐生長吁

次韻方子踐雪中見寄

前年江南雪一尺腐儒共走誇三白寧知有客卧欲僵凍骨稜層
撐鐵石今年復此雪塞門江湖無處浮吾樽野風蕭蕭日色死者
人射虎蒼山根牛衣覆寒年復夜金石餘音慙慰藉平生萬卷定
安施一瓶送我當渠借

黃文獻公集卷第一

昭文席湜藏書

黃文獻公集卷第二

初藁三

臨川危素編

五言律詩

寄方韶父先生

牢落江南賦知音寄渺茫鹿麋行處有芝草夢中香遙興滄溟濶
悲歌白髮長平生今古淚滴破綠蘿裳

雨二首

兀坐九十日雨聲殊未收花時翻益睡茅屋不禁愁生事吾何望
春寒晚故留江波青滿眼萬里付雙鷗
泥潦今如此出門知路難蓬蒿春自長桃李夢曾看未覺龍公倦
誰憐燕子寒青燈耿蕭瑟千載入憂端

雪

急雪下不止朔風終夜鳴飢蟲應蚤蟄老鴈故南征生理真何許
沈吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙灘燈火期方遠
關山歲欲闌倚門應望汝莫慢駐征鞍

寄友人

憐君山水意局促守柴扉故里悲秋草涼風滿褐衣滄洲斜日晚
白社幾人歸寂寞分送念天寒木葉稀

秋懷五首

天末雲猶去山中歲欲徂周流吾道在歎息古人無野鵲疑秋樹
新駒怯暝途蒼茫念同志微薄忝為儒
對酒高天豁登樓落日曛亂蟬悲暮葉老鴈赴長雲落拓襟中散
棲遲鄭廣文身名竟如此碌碌竟何云
稍稍秋河落娟娟宿露微天清江不息野迫樹相依回首狂歌數
經心昨夢非流螢無思極巧入絳帷飛
仰古嗟無及闕情極可哀彌生才見忌賈傳直為災世肯憐樗櫟

昭文席湜藏書

吾曾悔草萊小詩聊戲耳何乃併生猜

風雨仍搖落江山且滯留懶從生事拙閑惜壯心休弱蔓縈歌石
空槎卧泐流興懷到微物世故劇悠悠

柴荆

赤日薄烏帽柴荆無定棲可能詩似錦乍取醉如泥薄業慚漁艇
深衣逐馬蹄蕭條江海興芳草故萋萋

憑軒

信有儒冠誤憑軒意欲迷山深風雨惡天濶羽毛依它日開炎障
連城送鼓輦荷戈吾愧爾未敢歎塗泥

風雨

風雨忽如此閉門方晝眠故應為計拙可復要人憐燈火荒村路
黍麻社曲田悠悠今視昔把卷一茫然

山中懷友七首

大府趨羣彥脩才復壯齡波瀾開白晝羽翼動青冥弱質悲殊調

明時敢獨醒未妨茅屋底寂寞抱遺經
望遠空山裏天寒夕夢孤林昏行題題江晚變靡蕪風雨憐同病
塵沙感壯圖向來懷古意回首未能無
踈放誰容我交游重得君論文輕歎唾問俗到耕耘一笑能青眼
相思有白雲春風動閭巷還往漫紛紛
何事虛齋裏猶分首著盤高林容偃蹇衆翼避扶搏黑夜文星動
青天劍氣寒終南山正好那得悔儒冠
自是麒麟種早棲又幾年故廬南雪下短褐北風前歲暮山林瘦
天高雨露偏肯同兒女輩俛仰事春妍
卓犖恒山秀相逢幾抱琴五年風雨別四海弟兄心雪外梅花遠
山中桂樹深定知松叔夜高興滿雲林
洛社推年少清才照士林春風何處客芳草獨行深遺墨收秦刻
新吟學楚音別離無一字日斷白雲岑
悼雙林栗上人

昭文席湜藏書

飛錫遍諸方棲身復故鄉年隨雙樹老人與一琴七暗草迷春塔
疑煙鎖夜堂瀟瀟今日雨誰炷影前香

社日重過方子踐

東風吹客衣長憶見君時一別驚雲散重來與燕期春深今雨夕
花老去年枝莫待空山裏青燈有所思

聞子踐卧疾

吾子仍多病何人共解顏水聲和藥臼春色閉通關積雨連三月
懷人隔萬山同遊况零落浩蕩可追攀

和吳贊府齋居十詠十首

焦桐

憐爾抱奇質無香亦自焚材高初偶得音古竟誰聞天海空遺操
冰霜見裂紋中厨方煮鶴終得舍夫君

蠹簡

六籍灰寒久名山餘蕪藏漆痕微有字芸草絕無香後死嗟猶及

斯文豈遽亡世方珠貝葉掩卷一淒涼

破硯

巨璞何年鑿磨穿偶至今線紋虛綠潤雨氣失玄陰瓦礫看無異
塵埃積轉深明光幾携入往事復何心

殘畫

勝境不可得微銷餘舊圖丹青初彷彿塵土半模糊蛟蝶飛疑去
波濤折漸無良工今豈有為爾一長呼

舊劍

憶啟蛟龍匣提携徑出門紅塵走馬處白日報人恩歲月銅花澁
雲煙斗氣昏淒涼中夜舞回首暗銷魂

塵鏡

古鏡色如墨千年獨此留玉臺塵網暗珠匣土花浮莫笑塵埃滿
曾令鬼魅愁盤龍驚已化雲雨夢悠悠

廢檠

昭文席湮藏書

不解照珠翠早同文字盟何言中路棄無復向人明兩宿高齋夢
秋吟廢館情相看幾今夕及此慨平生

敗裘

襲爾亦已久霜風兩袖穿甘從穉子笑未受故人憐雅製餘前古
深期在暮年素絲今化盡念汝獨依然

斷碑

零落秋風卧何年廢廟碑圖經愁莫載耆舊說頻移野燒龜趺失
荒苔鳥跡疑遙知千載後拂拭轉堪悲

卧鐘

龍簾久推折沈埋奈爾何畊民誰睥睨野衲自摩挲雅奏多年歇
銘文幾字訛斜陽荆棘裏長伴舊銅駝

過過謝臯羽墓

識子今無日風流可復尋山林餘楚製弟子解聞音滄海他年夢
青天後夜心平生匣中劍零落遂如今

元日即事

回首人顏異興懷誰與同塵埃欺白苧歲月入青銅雨急蒼茫外
春生浩蕩中長憐故園樹一一受東風

八詠懷

懷古荒碑在登樓晚望賒秋陰垂野薄江勢抱城斜天地悲遊子
冰霜感歲華紅塵吹短褐歸興及清笳

溪南即事

莽莽長川去行行薄暮時山光連睥睨寒色入旌旗夕鳥歸飛急
風帆逆上遲世情關物理恍仰寄長思

明月樓

遺堞何年有飛甍壓上頭鼓聲分大漠香火望靈湫曲岸舟如失
遙沙樹欲浮登臨且吾土未敢恨淹留

含香道中

殘日亭猶遠輕風帽易斜稻畦低沒鶴草逕曲行蛇經世知無策

昭文席湜藏書

謀生會有涯殷勤理黃菊留眼待秋花

懷楊仲弘

離別驚如雨蹉跎媿後塵祇今才有教多爾術能神玉唾春風濕
煙霄碧樹新謬慚推吏事吾敢望平津

八詠樓過方子踐

風雨三年別登臨一笑同綠莎垂古井碧瓦映疎桐世故違高枕
吾生劇轉蓬相逢感疇昔出處愧匆匆

杭州寄子踐

樽酒何人共春光著處同乾坤容野馬歲月失飛鴻俗眼能無白
風花故自紅向來常處士早已負諸公

次韻答子踐

不謂飛霞佩珊珊寂寞濱相看今雨夕漸近長年人往事驚如夢
何峯擬卜隣平生千里駕還往得辭頻

劉聲之爐亭夜話

儒冠寧誤我壯志自多違昭代尊經術先生尚布衣清言今夕共
大隱昔人稀預恐蒼山麓無從候少微

雨三首

湖濶雲如積天空雨正豪風颭兼晝夜井邑帶波濤茅屋垂垂破
漁舟故故高何妨張仲蔚環堵自蓬蒿

穉子吾憐汝泥行去不難憑欄真自笑高枕敢求安天地三辰遠
江湖五月寒好將遮目手却把釣魚竿

田父愁何訴龍公怒未休千畦沈翠羽百水散黃流小市猶長閉
孤城併欲浮誰誇補天漏此事恐悠悠

金陵客舍漫書

不擬芙蓉佩終然桂寂寥百年多事始千里一身遙巢燕驚華屋
鷓鴣望赤霄蒼蒼叢桂樹愁絕小山招

陪仇仁父先生登石頭城

談笑逢諸老登臨失故亭薄遊成汗漫高步覺玲峴水通吳白

昭文席湜藏書

淮山入楚青平生一盃酒及此慰飄零

抱琴

三尺枯桐樹相隨年歲深此行端有意何處託知音隱隱青山夜
寥寥太古心空携水僊曲更向海中岑

吳贊府挽詩三首

鶴去愁滄海鴻飛因朔風冥冥方獨往已已竟長終莫掛還鄉劍
真隨厭世弓向來曾慟哭不是為途窮

百代龍川子風流見外孫餘生唯白帽舊業自青門浩蕩期千載
蒼茫哭九原仙華雲縹緲愁絕刻舟痕

懷古餘哀思憐君尚典刑清談無俗子白髮死遺經客社荒春汐
鄉山隕夜星夕陽隣舍笛悽切可堪聽

春日郊行雜興三首

忽忽時頻異垂垂花正繁登臨聊極日出處可忘言風急江光亂
春濃野色昏舊游嗟契濶覽物思空存

五畝清江曲為農計未疎那無經世策宜付絕交書野笛吹頻歇
漁舟去若虛卜居能有待天地本吾廬
高興真誰共佳辰祇屢經天清風細細花遠樹冥冥勝事今非昔
狂歌醉欲醒終南飛鳥外一髮向來青

次韻答友人

千載論交地才皆第一豪江湖嗟契濶風雨夢蕭騷趨走知無力
標題敢自高期君養翎羽一擊可徒勞

九日登石頭城

背郭囂塵遠高秋川岳清幽懷初曠蕩陳迹故縱橫遙望龍盤舊
長憐蟻穴爭紺園隨處闢粉堞向來傾發草窺簪弁看碑驗故塋
門開蒼耳路亭愛翠微名遠樹淮南出滄江鳥外明人煙川浩渺
風物歲崢嶸吹帽仍嘉節傳觴但老兵愚生雜蛙黽浪走媿瓊珩
去去帆檣盡蕭蕭蘆葦鳴登高未成賦覽古獨含情政復哀王粲
何堪厭禍衡蔽廬滄海曲日斷白雲生

昭文席湜藏書

寄李生

有美維仙李孤標見碧梧高門留雨露短褐泥途姿悍寧為小
機深或類愚洗心須貝葉游藝及樗蒲政爾難藏穎幡然獨抱竿
從容觀近效僂俛事羣趨稍廢琴心曲能操牘背書誰將窮困象
莫使避珊瑚它日逢何暮清談動至晡醉醒勞問我喜怒得令渠
契濶江湖迥漂零歲月徂青雲悲捷徑白日仰身衢秋社枌榆外
南包橘柚初飛騰如借順能勿笑蟾蜍

七言律詩

送孫君文判官

笑語匆匆似夢中衣裳俄復判西風殘蟬落日那堪別瘦馬長途
喜未窮歲事已空南畝稼歸期應老故山桐興未尚有平生棹載
酒何時覓釣翁

感舊

華屋山邱不可期峴峯依舊綠參差空懷下榻延徐孺無復乘舟

訪戴逵日暮更聞隣舍笛歲寒賴有角弓詩舊游寂寞成今古冷
石秋風處處悲

鳳凰山

滄海桑田事渺茫行逢貴老色淒涼為言故國遊麋鹿漫指空山
號鳳凰春盡綠莎迷輦道雨多蒼薺上宮墻遙知汴水東流畔更
有平蕪與夕陽

開元宮

誰使藏舟一夕移紅樓翠幕未全非曾聞帝子乘鸞去疑有僊人
化鶴歸煙迳月明瑤草歇石壇露冷碧桃稀赤闌橋畔多時立閑
看楊花作雪飛

早起

漠漠晴簷散薄雲獨搔短髮立清晨春風入樹無行迹曉月窺簾
欲近人旋覺新吟隨夢寐不知清霧濕衣巾何人正踏長安陌想
見看花拂面塵

昭文席湊藏書

寄陳君采

江淹文采碧雲消潘岳才華玉樹彫後爾千年開捷鑰森然作者
見風標琪花夕日輝相並金匱名山路未遙賸欲傾心數還徃高
期無使竟蕭條

次韻答吳正傳

諸老彫零半九原後來英發見蒼然高標寧復居人下緩步猶須
出我前天馬為誰生月窟仙禽有日到芝田論心持取同傾蓋可
使空回雪夜船

寄葉審言

千里相思黃葉初喜傳消息慰離居姓名漫入山公啟懷袖元無
賈誼書已分畊耘供賦歛胡令汲引到樵漁臨歧躑躅頻回首風
雨蕭蕭鴈正踈

獨立

數盡飛花一愴然壯心迢遞夕雲邊十年人事空流水二月風光

已杜鵑過眼春青寧復得汚人黃土絕堪憐故園尚有平生約可
使蒼苔到石田

即事

南陌東阡草色齊惜惜門巷客來稀受風燕子輕相逐著雨楊花
濕更飛綠樹無言春又盡紅塵如霧手頻揮浮生莽莽吾何計獨
立看雲竟落暉

予與劉君師魯為文字交十有四年而固未嘗相識也茲過
武林偶遂良覲有喜而賦

邂逅神交十載餘青楓落月幾愁予何言此日同傾蓋勝讀平生
未見書天上玉堂容可到山中金匱得長虛故多餘事宜商略可
待秋風怨索居

九日

獨立憑高發興新霜清露白復佳辰綠樽照眼不解醉黃花滿頭
應笑人橋邊老僧幽期失巖南故人新句頻秋天此日併回首鴻

昭文席湜藏書

鴈寄書愁未因

次韻山南先生遣興二首

稍覺春風入剪裁更無魂夢到塵埃苔枝自送黃昏影寶篆頻銷
白晝灰世態漸應隨日別老懷可復向人開擁爐坐聽蕭蕭雪載
酒携琴也莫來

蒲團兀坐久忘機何暇重尋是與非老鴈長雲天渺渺晚花寒蝶
思依依起看丹竈春無恙欲試青鞋雪未稀鵬鷗逍遙端可耳玉
堂何必媿柴扉

寄仇仁父先生

一官十載尚沉淪門巷蕭蕭白屋貧自有陶公為社友從呼杜老
作詩人兒曹故復輕前輩僞步誰當出後塵拾隱詩成無處寄莫
雲凝碧坐愁人

寄朱十八丈判官

金榜淒涼四十年風流文采故依然香山老去誰同社栗里歸來

尚有田懷古坐看西日落得春寧問北枝偏清泉白石多深趣千載心期入近篇

寄朱仲山

異縣關心朔鴈飛酒燈棋雨計頻違寄書全覺嵇康懶入夢多疑李白非黃葉閉門非寂寂碧雲回首故依依相逢懶有約花約試蹋東風走翠微

寄友人

繫舟一別雲水鄉暮川葭芟空蒼蒼漳濱卧病他年憶渭北題詩春日長蕪菁作花已爛漫楊柳飛絮苦顛狂聞道茯苓已堪斲邊子青鞋經澗岡

夏日漫書

枕上和殘柏子香烏聲簾外已斜陽碧山過雨晴逾好綠樹無風晚自涼芳歲背人成荏苒好詩和夢落蒼茫求羊何不來三徑門掩殘書滿石牀

昭文席湜藏書

逢葉伯幾

水煙沙雨送歸航楓葉蘆花已十霜瑤曲天風春夢遠墨池秋草故遊荒碧峯又是新迴鴈白石依然舊化羊一笑相逢却成別暮雲千里思茫茫

宿賈氏山房

暝色蒼茫赴遠岑獨追燈火下荒濤寒沙細水通幽徑脩竹高楠走翠陰草草悲歡中夜語悠悠醒醉百年心石煙霜月寒無寐坐聽疎鐘出二林

送友人之京

偶緣送遠接清遊煙雨東城晚樹幽離別自應多感慨笑談未害各風流百年芳草頻頻合萬事孤雲故故浮太華黃河入回首春風愁絕李膺舟

答友人

芝掌峯前一盃酒別離歲晚適相望野梅如雪遙入眼曉鴈連天

寒叫霜閉門窮巷燈火冷回首蒼山雲樹長幾時抱被却同宿愧爾詩筒遠送將

憶友人

無復高談慰索居壯心零落竟何如人間漫有金臺夢身後誰傳玉枕書半畝蒼苔埋驛地一聲白雪斷弦初芙蓉峯下聞吹笛淚滴春天草木疎

哭李無逸

青春未受二毛侵笑談俄聞變古今千日却醒徒有望九原莫作竟何心平生欠荷劉伶鍾此夜誰彈子敬琴水樂亭西煙草碧舊遊回首重沾襟

過烏傷墓

丹青像設始何年翁仲遺墟自古傳時有北人來下馬不知秦樹幾啼鶻牧童解指看碑路野衲分畊祭墓田回首長安西日外茂陵松柏正蒼煙

昭文席湜藏書

雜興三首

昔從六客堂前客共買何山渡口船杉松夾道得古寺風雨漫山連杜鵑憶別老僧如昨日待分幽事及他年春江正綠不能去勝踐蕭條祇自憐
幾回擬作送春詩出戶春風去不知葉底孤花猶入眼竹根穉筍欲過眉久拋書卷都如夢閑看香煙偶似癡寄語平生張仲蔚一歡相屬竟何期
劉生去滌相如器朱子新裁賈誼書百代風流今視昔十年懷抱我憐渠故應曾對談諧樂也復能容禮法踈風雨瀟瀟守環堵祇今可望故人車

山中夜歸

漫山松葉行逕迷獨穿犖确幽步遲驚風依草山虎過寒月掛樹天星垂泉鳴荒冢夜犖落露洗青林光陸離茅簷抱膝者誰子歌闌飯牛聲正悲

旅夜

歷歷飛螢度眼明，獨堵高枕數殘更。薄遊已倦新彈缺，舊業猶餘未棄榮。一雨送晴初月色，百蟲專夜故秋聲。情知三十非年少，已覺人間有後生。

三月三日西湖舟中

黃塵奔走媿平生，對客猶稱舊姓名。此事正堪三太息，祇今忍負四難并。放舟乍落空濛境，送酒元無窈窕聲。金谷蘭亭嗟已矣，不妨時暫濯吾纓。

金陵天津橋

五雲零落渺天涯，陳迹蒼茫日自斜。畫角已吹邊塞曲，紅藍新長內園花。可憐遺老埋黃壤，曾倚春風望翠華。好在北山猿與鶴，依然同住舊煙霞。

送人歸豫章

已覺棲遲懶曳裾，可能為我強躊躇。一帆秋色紅塵外，千里江關

昭文席淚藏書

白鴈初建業，水清誰共飲。潯陽潮斷定，無書黃金未盡。朱顏在莫種桃花學隱居。

哭陳茂卿

多病文園鬢未霜，可人風味故難忘。豈期夜壑舟無定，竟使春天草不芳。賣藥幾時來海上，遺文須我訪襄陽。誰憐後死仍漂泊，雲白山青白故鄉。

宣城客中偶書

眼看春霄擁勝流，漂零回首媿沙鷗。黃塵烏帽知誰為，白飯青芻復此留。未必嵇康能作吏，何妨李廣不封侯。敬亭雲鳥知無恙，款段惟須逐俊遊。

梳頭得白髮

偶逐飛雲別澗岡，解纓聊爾濯滄浪。襟懷久已無山水，容鬢誰令有雪霜。未必丹砂能却老，可須白首更為郎。前脩未遠斯文在，努力無愁岐路長。

送韶父先生游京口

不到南徐三十春，好將夢寐弔遺民。也知往事如流水，祇想重來是後身。棹響官河風色暮，雲離野服鬢毛新。舊遊偶失扶桑路，頰向滄江一問津。

山南先生挽詩

仰驚喬嶽失嶙峋，千載風流可復聞。鼎有丹砂輕縣令，囊無蕙苾詫將軍。苧袍歲月孤青簡，石室文章闕白雲。淚盡侯芭悲獨立，短衣高馬祗紛紛。

喜方韶父先生至兼懷山南先生

夢覺秋宵失薜蘿，尚煩青簡慰蹉跎。山中舊別期猶在，歲晚相逢感易多。華表神仙成寂寞，靈光風雨見蹉跎。百年琢重斯文寄，跼足脩程可奈何。

韶父先生有詩復次韻以和

兩翁故復可憐人，傾蓋長安四十春。華屋山邱如隔日，夜床風雨

昭文席淚藏書

得彌旬。書籤藥裹仍仍在，橘刺藤梢一一新。漫寫餘哀寄冥漠，大荒誰見下麒麟。

寄張如心

謬羨侏儒飽一囊，舊遊搔首獨淒涼。連天斷鴈初沈日，匝地寒花欲有霜。聞道為郎頭白髮，未殊高枕待黃梁。紅顏好在張公子，坐聽松風春晝長。

送王傅朋靜江教授二首

丞相威名鎮百蠻，蕭條異代得吾賢。官遊忽過三湘去，家學應令四海傳。北望犬牙連上國，夜占鷄尾直中天。炎風朔雪皆王土，未覺青春雨露偏。

碧蓮峯下駐飛驂，風土遙知久自諳。會有新書裨禹貢，坐聞舊俗化周南。深篁盡日迷山鬼，毒草無時起瘴嵐。珠重斯文強冷飯，漫誇丹荔與黃甘。

送楊州傅學正

全淮控制列城遙尚想青春虎豹驕一日江山走珠玉萬家燈火
沸笙簫喜逢才俊登文署好頌升平答聖朝芍藥瓊花兒女事可
緣風月逗華鐃

余山

春雲穿落鴈無聲沙岸參差石有稜雙屐漫窮芳草逕一龕長愧
白頭僧晴濤閃閃翻孤日山木昏昏捲翠藤後夜清風滿送念夢
遊空指上方燈

龍潭山

二月清江照眼明避風舟楫滿迴汀斷雲挾雨時時黑密葉藏花
樹樹青習隱未成陶令賦行歌聊共屈原醒碧潭光景無消息坐
看魚兒點翠萍

遣興

青雲如夢慨平生白髮驚春忽數莖漸覺交遊隨日別強依顏色
逐人行百年松楸誰能去五畝煙霞故可耕妄念掃除渾欲盡少

昭文席湫藏書

游何得尚相輕

次韻方子踐觀潮

潮生潮落有時休朝暮吳兒幾白頭被髮祇誇迎駭浪側身寧解
障奔流江吹碧瓦人聲曉雲閃朱旗海氣秋後夜月明天在水有
誰能此試登樓

次韻子踐秋社歸巖南

久悟清都是夢中未嫌短褐任飛蓬時情冉冉心如醉世議紛紛
耳欲聾會種粉榆依漢社共談未稼續幽風蹉跎偶負平生約已
復人間歲一終

杭州寄里中一二同志

故山有路去無從燈火闌心夢不通浪走紅塵真自笑舊遊白社
竟誰同胷中好貯千巖秀眼底徐觀萬馬空風雨未休鴻鴈斷此
懷渺渺故難窮

同儒上人謁黃尊師于龍翔上方脩撰鄧公適至輒成小詩

用紀盛集

坐陪三老盡文雄政尔衣冠不苟同談笑流傳成故事畫圖想像
見高風丹崖方與霞標峻碧海誰能鐵網空謬託下陳虛自詫飛
揚無力思何窮

客樓雨中

江城飄泊動經年盡日高樓閱過船睡起小窓初聽雨岸傍垂柳
已生煙坐拋歲月今如此每望雲山欲泣然尚喜游從得諸彦時
將樂事寄新篇

次韻荅蔣春卿

不謂紅塵拂面時軒然談笑一舒眉晴風石鼎浮花乳夜雨春盤
冷碧絲握手遽成三宿戀論心那覺十年遲酒船漁網歸無計未
必山前白鷺知

送楊山長歸錢塘

百里鄉心海鴈飛三年官况野鷗知兒童早已占歸信弟子應能

昭文席湊藏書

頌去思茅屋荒田春草草杏花深巷雨絲絲人生適意須行樂駟
馬高車恐未遲

章德懋同登車蓋山

城南日日望蘇灣碧樹童童蓋一山何意茲辰同邂逅與君携手
共躋攀鈞衣亂石通高步着面和風啟醉顏尚愛銘碑多楷則俗
書且勿聞妖嬾

重遊毗山

十載重來思惘然勝遊邂逅一開顏高林有色煙雲淨曲徑無香
草樹閑漫遣金樽催白首絕憐紅粉澹青山南朝舊迹今誰記腸
斷風流不可攀

湖州遇葉士心因寄郭祥卿架閣

謝公城下蹋春暉最憶東園夜不歸落月清樽波潏潏高花銀燭
霧霏霏未愁強醉羅衣濕政恐重來燕麥稀大地風光竟誰料九
霄一鶴看橫飛

太卿年公挽詩三首

靈光一夕失崔嵬多士相逢淚雨摧
夾道共看丹旆去遺民猶憶
繡衣來蕭蕭悲吹蘋花冷渺渺香山杜宇哀
哭盡貞元舊朝士臨歧無語重徘徊

後生無復望儀刑青史徒煩列姓名
窮有遺文成鉅冢死無新爵上銘旌
瓜田方任蓬蒿沒玉樹偏依雨露生
舊笏滿床知未墜翰林風月向來清

次韻牟主簿南湖客中

遙望仙槎度碧湖翩然高興不枝梧
也知白髮行相待無奈青山不受呼
過眼風光殊獵獵霑衣多露已塗塗
相逢幸及南枝好一笑聊須引百壺

次韻姚子敬教授筠菴別業

故園煙樹渺江關長愧求閑未得閑
客路獨愁黃葉下高人正在白雲間
卜隣儻遂容依止載酒終期共往還
未害看山仍柱笏一

昭文席湫藏書

竿竹我釣滄灣

次韻別程晉輔教授

落拓江湖久不歸相逢還及試春衣
忽聞煙際蘭橈動誰共花前玉笋飛
青眼故多知已在黑頭未覺壯心違
赤霄孔雀何望喙嗥隣鷄爾自肥

花信

已覺尋芳去較遲千林紅紫想紛披
幾經夜雨能無恙試問春風竟不知
斜日游蜂應有夢野亭立馬已多時
殷勤却是江南客曾擘冰霜寄一枝

草意

澹煙斜照舊離離吐漫芳心欲向誰
可是忘憂能自得若教指佞定無私
東風江上何人識南國春來有夢知
留取青青承雨露未應紅紫浪相疑

五言絕句

山中偶題

古苔隱石色寒花明藥叢有時白礪雨終日青松風

夜坐

涼風動千里孤坐思滄洲白露洗明月青天此夜秋

七言絕句

寒食舟中

東風溪水碧連連溪上青蘿獨繫船正是落花寒食夜水煙沙月又啼鶻

哭御史王公十首

有人新自甬東來別後音書第一回欲問布帆無恙否豈知塵世隔蓬萊
被髮胡為竟渡河由來魑魅喜人過不須待聽山陽笛一曲篋篋哀思多
早歲棲身擬鳳池桑田為海已多時路人方為乘驄止流水生涯

昭文席湮藏書

遷可悲

玉堂政要謫仙人何意先成采石墳人物渺然時事異漫令平地有青雲

金阜原頭草未生兒郎俄已去騎鯨黃泉會有相逢處轉見人間子母情

掉頭東下苦匆匆徑挾羣仙入貝宮眼底珊瑚高百尺釣竿吹折一絲風

膠液中流事可歎海雲飛雨失青天陸郎地下驚相見應訝來遲二十年

孤兒思父母憐兒忍見銘旌獨返時畢竟江魚與螻蟻世間何物最堪悲

楚客猶疑刻劍痕秋風已到孟嘗門殘潮落月天涯夜剪紙誰招萬里魂

天吳罔象正縱橫誰認鼇山頂上行海氣昏昏風雨惡夢中無路

弔先生

金陵客中送友人歸里

青陽河畔杜鵑啼歸路如弦定不迷應到故山叢桂裏笑人騎馬
學聽鷄

有感二首

橘柚青黃照眼垂秋風籬落自紛披頗聞玉食登蠻果不獨涪州
有荔枝

漢室需材拔隱淪鼓刀屠狗正求伸可憐風雪南山下未有它年
射虎人

葉審言張子長同遊北山智者寺既歸復與子長至赤松由

小桃源登煉丹山謁二皇君祠回宿寶積觀賦絕句十首

天風吹我度崢嶸春著千蠻滃滃青紫陌紅塵寧有此十年空負
北山靈

芙蓉峯下南朝寺水秀山明兩絕奇更向水窮山盡處一菴高貯

昭文席湜藏書

碧雲師

却問仙山去幾程白雲如簇近相迎直須不脫登山屐行盡松聲
與水聲

山中今是太平民尚與人間隔幾程流水桃花三百曲莫教重誤
武陵人

偶看飛花逐水紅不知身過亂雲東回頭旋覺峰巒別惟有青天
面面同

雙鶴冲天歲月多至今香火壓嵯峨劉郎不是無兄弟奈此丹雞
白犬何

坐愛春泉響翠微玉花吹濕薜蘿衣何人為擘冰壺破共看青天
白練飛

削立城心雙白塔幾疑日月費撐支一朝頓在闌干底始悟從來
見處卑

遙憶仙華鶴髮翁清泉白石滿奇骨若為此日千峯頂更試平生

九節節

一宿山中竟莫留可能長伴赤松遊殷勤好去張公子休愛人間萬戶侯

避暑圖

一丘一壑古遺民十里清風不屬人閑對青山揮白羽世間何物是紅塵

圍棋圖

有客圍棋洞口歸天荒地老已多時人言此客殊癡絕畫裏者棋我更癡

陶學士驛舍圖

一笑相逢亦偶然浪將恩怨向人傳無端更被丹青污狼籍春風數百年

次韻章兄雨中書懷

卧聽風水共喧喧起視青空白雨懸祇謂桑田可無恙不知江勢

昭文席湜藏書

欲吞天

茫茫平陸一尺水瑟瑟涼飈五月秋莫謂天公無皂白誤將陰雨怨鳴鳩

故山回首杜鵑啼客舍誰憐寄一枝賴有四門章博士不緣風雨廢設詩

春盡餘寒去却回江天五月未聞雷南風祇在浮雲外彈折朱弦喚不來

草長故山懷獨往苔生今雨歎離居誰能共飲桃源酒一醉千年不願餘

偈二首

久謂聲聞難作佛今知龍女解成男分明信有旁人分五十三身第一叅

息心無想成無記有見還同有想存不盡普賢殊勝行隨方願啓一城門

黃文獻公集卷第二

昭文席湜藏書

黃文獻公集卷第三

初藁三

臨川危素編

賦

離居賦

慨予後古人而生兮恒潔志以好脩憑祖先之遺業兮援往列之
餘休粵總角以授經兮歲行汨其已周獨貿貿吾何故兮庶遠悔
而違郵攬雋慙以我弼兮懿前志之為謀非夫人察予之衷兮孰
蹭蹬而見收胡閔勉抱茲獨兮曠周旋于窮陬廓私處而莫伍兮
愴增思以懷愁昔回路之相贈兮竭所獲以交投卒並轡以疾驅
兮入聖域而彌優彼獨何人兮予願忍耻而蒙羞惟昔者之擇從
兮極遠討而苟搜衆雜還其既多兮邈異趣之交鉤紛誦誦以徵
逐兮咸胥頤而勸憂曰予行之不可兮矧將勗予以良猷居快悒
其誰語兮弦予歌之幽幽恫愴慌以願懷兮耿孤唱而無酬哀下
土之空濁兮駭奔飛其呀咻大龜視予以吉卜兮曷去之而遐遊

廣輪曼曼而靡極兮忽又惑其所由非識路之為先道兮懼九折
之摧吾輶羸穴豫以狐疑兮悵臨歧而夷猶軫中情之戀縈兮思
勃鬱而莫抽噫遺行之已累兮固吾以為贅疣弗瞑眩之是圖兮
何厥疾之能瘳堅所秉猶未怠兮悼年歲之易道諒予懷之既騁
兮雖坎壈其敢偷苟非予之所存兮夫又何求結煩言而招要兮
遂矢心以綢繆夫有恃以為善兮詎無成而掩留

騷

訟魁

皇亶正直兮冒下惟仁肇毓嘉種兮誕生烝人胡汝魁之暴亢兮
盜威柄以自神禍凶是司兮俾闕厥伸窮千里以逞毒兮豈此土
為匪民歲丁未而孕孽兮傲九危之邁凶乘陽竊出兮霍霍隆隆
斥棄輿馬兮謂肥蠶其猶龍絳帟彫兮疾走如風揚氛壘於滄
涂兮瞻我野其童童餓糧殫於草木兮搏塊磔之不可食旄倪僵
尸兮強效死力首丘而弗違兮胡慙隸之可得狐狸飽而跳踉兮

昭文席誤藏書

腐齒縱橫藜藿出戶兮室無哭聲野蓁蓁其誰闢兮奔火煜其宵
行皇保下人兮曷極喪而極斯樂人之死兮職魁所為耗賊太和
兮過玄澤于既施朋殃友厲兮出入教娛仰九闕而徃愬兮予跋
跋其屢止曰無徃而弗復兮其悔禍之汝媿胡披猖而荐肆兮將
窮菑乎今茲扇虐馘于熒熒兮道伯強使先之怒氣燁其如饋兮
惜薄人之四肢挽刃歎至今狼顧睽睽曾遺民其幾何兮矧有秋
以為期咨汝魁兮誠忤忍而險悞憑妖矜孽兮畔戾聖則謂吾莫
汝燭兮何裸身頂目而辟易有赫臨汝兮顧微臣其何力命不可
久數兮威不可久乘孰怙終而稔毒兮能自逭於天刑皇斯震怒
兮尚叱咤乎雷霆斧鉞孔利兮百神效靈害戕屏絕兮堯嘉生於
百齡磔棄妖贅兮沈溺清冷嗟魁弗悛兮後雖悔其何懲

答問

答客問

僕大德中忝被選舉一時後進之士多見拔擢而僕方深居田里

或譏其苞苴不脩以為迂濶迥做昔賢述其問答之辭云
客問主人曰蓋聞周乎道者不貞于小諒通乎變者不徇于俗度
所以超尋常而建榮名者也是故劉澤捐百金而王全燕不韋資
奇玩以相強秦由此言之豈非仁者固以財發身耶今吾子餐醇
酥襲芳華卑弋文翰之林而藩道德以為家有日矣生逢熙洽之
朝名則英俊之列曾不能披金閨歷絳闕騰翕輶揚眉鼓舌使
聞之者瞻寒災之者手熱下是猶不得輸筋力效智能于斗食之
末然且僂勉超超擇地而趨持下執雌以蹠蹕乎泥塗子之為術
不既疏乎于是主人瞠然而眙蹶然而笑曰若客之言毋乃眩勢
交之榮悴昧俗化之隆庠睹樗櫟之利用而將乘之階祀也曩者
王途珍濁標狡接足悻悻壞壤蠹蠹川奔恣馳爪拏角觸富
者蹈顯榮貧者嬰賤辱當是之時毀廉爽行懷膏潤以賈媚悅者
蓋不可勝錄也一日恩移勢奪權傾位軋金銷石毀星離電滅信
夫以膏沃火者膏盡則火微以利錮交者利盡則交絕爾其便翹

昭文席誤藏書

捷疾更起迭仆朝躔要津夕僿羈旅曾得喪之幾何而蒙詬於終
古是宜顏子殉志於簞瓢魯連唾眦于商賈長鷲獨立蟬蛻滓溷
而弗顧也今國家陶泰和源淳源軼燧農轅羲軒庀恩瀝澤翫魄
布濩圓顛方趾之民濯沐神化者無不抱信讓揭貞素藉禮義之
衽席服中正之冠履時則羣公庶尹濟濟鱗列騰聲發采作世玉
雪譬若以伯夷為太傅曾參為司徒公儀休為御史孟公綽為尚
書原思為博士於陵仲子為大夫鮑焦給事於黃門黔婁待詔於
公車邈哉此非常之際巨億齡之所無絲是遐取齋壤鬼岸之士
莫不舒翹振華纓冠緹履嗚嗚于予以觀羔幣之所抵雖以眇膚
遭迤朝佔夕呻亦且睢盱批挾羞沒齒而無聞也然而淹速有時
顯默有宜故甘生以童孺都上卿而太公白首乃為萬乘師此理
之固然而物之不可必齊者也今吾子處盛時而談叔季當羣居
而言財利奈之何笑鳴玉曳履之舒徐而欲挾纈離腰褭以助其
駛耶客乃撫然有問曰夫市井之言不足以陳于先生之前固也

敢問君子之將售其志者亦潔名以為高矜己以自熹而已乎主人曰何為其然也昔百里用秦鬻身五羊鞅介婁豎厥開富疆毛生重趙引錐脫囊孔舍魯而歷聘摯匿佞以要湯是皆韞不世之閔略將圖霸而謀王誠懼夫厥志之弗究寧早已而遑遑夫以鯁生躋淺豪補屢拾退若失九牛之一毛進若增太倉之一粒固宜量筭而容度綆而汲亦安敢有聖詰而並立哉迺若樹不貪以為名宋司城之寶也弗枉辱以合汙鄒孟氏之道也斯吾徒之所知而百世之師表也且予聞之時盈時虛天理之常迺仁迺義人道之綱是以君子立不易方故曰勿行爾悔無患名不大忽信爾欺無患祿不隨客獨不觀夫蘭滋九畹珠媚重淵無脛以自致無舌以自宣至其流光晶吐郁烈則人亦莫得而棄捐也若夫卜生投問于乏興張季藉勢于雄貲相如發軔于武騎次公奮跡于沈黎是亦非窶人子之可幾獨共已埃命而奚疑

雜著

昭文席湜藏書

賈論

曷嘗觀於賈區乎吳之鹽蜀之布會稽之美箭代之名馬至於漆泉危蒞筋膠藥物之衆莫不叢聚區別而貝璣丹銀重淵邃谷怪珍之產又皆篝火腰絙冒百死之禍乃能奪而出諸虎豹蛟鼉之宅亦且畢致而錯陳焉彼其役傭工費舟車遑遑顛顛心計目察筭者閑者在筐筥者匱而藏者辨之患弗良聚之患弗豐耳辨而良則售益博聚而豐則獲益厚其貨誠千金也人且以千金至矣求其張虛肆負枵橐自廁其間而能以操奇贏者無有也於是日晨鼓起囊金適市者莫不鱗集蟻舍辨物以奠賈焉方囂譁烟塢之中一旦有委千金于販夫販婦而未嘗少見德色者誠將交致其利而向之千金非以施愛云爾也仁義忠信士之大寶而爵祿車服國家之千金矣夫其為寶也非必燭幽黠深涉死地而後能有也彼飾虛懷矜號呼以望售者何憧憧耶償人之直而能無德色者又幾人耶嗚呼市井之事學士大夫所共賤鄙而羞以汚齒

牙也今之稱乎大人君子者果何如哉果何如哉

讀賈生傳

屈原死後百有餘年而漢有賈生賈生以謫去過湘水乃投書以
弔屈原太史公蓋合二子以為傳夫亦徒見生之為文愁痛無聊
發憤壹鬱不殊于原而未極其趣者也夫懷王受欺于張儀疏屈
原而不用身陷國威為天下笑頃襄親值其亂而曾不悟反怒原
遷之江南而楚亦尋滅彼屈原者誠悼夫存君興國之志終無所
伸而為是發憤無聊也生之在漢非有肺腑之親歷試之久願於
卒然遇主之頃欲盡去其舊而惟已之所欲為一不見用則遂自
附於原而待其君以亡國之主誠何理耶夫改正朔易服色法制
度定官名與禮樂事至不輕也大臣不聞議士不與而遽自草具
其儀法可不可哉絳灌之屬皆先帝舊臣苟遠嫌而不言則誰當
言者且此三四公位為將相爵為通侯權寵之盛豈復有過於是
亦何忌而不容一新進之賈生耶然則謂生以讒去而遂以配于

昭文席湜藏書

屈原者甚不然也夫生之欲始改定制也度也將無以天下為既和
洽與至其論屠大積薪之勢願在乎數年之後凡其言之可行而
必效者大抵皆南遷之餘也吾意生以憂患怵迫習於世故未必
不悔其前言之易而尚肯尤人之短已哉然則今之疾視絳灌之
屬而比之上官子蘭者又非必生之志也周人之詩曰肆成人有
德小子有造絳灌之屬安足以知此徒使如賈生者不得盡其材
反以年少初學而見斥遠則其蒙蔽罪之譏非不幸哉

陸君實傳後叙

僕為此叙時固已不敢悉以客語為信及來
京師將取正于太史氏而新史所紀二王事
乃與皇朝經世大典自有不盡合者史既成而
家始以其填海錄等書上進又不無所聞之異辭謹
以核其一二附注于舊文之下

陸公秀夫之死楚人龔先生開既為立傳且曰君實死事得之里
人尹應許尹得之翟拾討國秀翟得之辛侍郎來莘而君實在海
上乃有手書日記日記藏鄧禮部光薦家數從鄧取之不得故傳
所登載殊弗能詳至公之官位為丞相為樞密使亦且貳其傳而

莫能定因字稱之曰君實而不爵蓋闕疑也僕往在金陵客有來
 自番禺者頗能道崖山事云宋孟王之踐帝位也不踰年而改稱
 景炎歲丙子五月乙未朔宋為相陳宜中新史所立益王于福州而大
 典據傳聞之辭誤明年南遷化之碭洲景炎改元而十一月御舟
 以景炎為咸熙云明年南遷化之碭洲景炎改元而十一月御舟
 甲子門淺明年正月次梅嶺四月移廣州一境次富場六月次井澳
 九月子次明年正月次梅嶺四月移廣州一境次富場六月次井澳
 遂一名仙洲鎮碭州屹立海中當南入海道隸化州見新史及填海錄
 又明年四月戊辰殂於舟中自井澳新史以為棹成疾以填海錄
 丙越三日庚午衛王襲位是日黃龍見海上羣臣皆賀乃升其地
 為翔龍縣庚午海見海中書于新史而填海錄以身首是日午登壇
 入宮雲陰不見祥龍又于海中龍翔龍拜張世傑少傅樞密使蘇劉
 縣填海錄以為祥龍又于海中龍翔龍拜張世傑少傅樞密使蘇劉
 義開府儀同三司殿前都指揮使陸秀夫端明殿學士簽書樞密
 院事餘進官有差樞密副使兼福建廣南宣撫大使劉鎮節度使
 少保節度使為主管殿前司公事兼諸院累遷權尚書加瑞明殿學
 士尋請潮州夫為中書舍人兼直學士院累遷權尚書加瑞明殿學
 行朝除同簽書樞密院事祥興嗣立世傑以免兼殿司十月秀夫以還

昭文席撰藏書

簽樞海碑助之皆未嘗進拜惟劉義以問官累加開府儀同三會雷
 州失守而六軍所泊居雷化犬牙處乃稍北徙廣州之境五月寓
 梓宮於香山縣尋葬其地上廟號曰端宗陳宜中以宰相為山陵
 使事畢宜中一夕浮海去莫知所之引廟號以四月辛巳梓宮發
 復土以樞密使都督諸路軍馬御舟先寓于香山皆來會惟宜中
 自南著洋轉施非宜中見填海錄而新史不書文六月世傑等
 殿學士曾淵子非宜中也見填海錄而新史不書文六月世傑等
 遂奉御舟抵崖山崖山者在新會縣南八十里鉅海中與奇石山
 相對立如兩扉潮汐之所出入也山故有鎮戍世傑以為此天險
 可扼以自固始不復事轉徙矣六月己未御舟發碭洲乙亥至新
 升廣州為祥興府見填海而宜中之去劉義追之不能及夜泊仙
 女灣俄有天火飛集其舟延燒泉舟幾盡劉義無可考中八月庚申
 月貫南斗已巳夜復有星大如缶泉小星千百隨之自西北流墮
 東南海水中聲隆隆如雷蓋天狗云填海錄以為癸亥夜一鼓而
 墮廣州南初頃時頃止非墜落于海中也墮其年十月蒙古漢軍
 地既如鳴鼓一時頃止非墜落于海中也墮其年十月蒙古漢軍

數路並進江東宣慰使張弘範以舟師由海道出漳潮江西行省
 參知政事李恒以步騎出梅嶺元弘範大典所書可考而元恒廟碑謂
 恒為都元帥江津潮明年正月己酉朔宋改年祥興行元會禮丁
 亦遣弘範至自津潮已登海舟以世傑就崖山港基結巨艦千餘艘為方陳中艦外舳舻
 錄海已未弘範兵至崖山庚午恒亦以兵來會乃先遣斷其汲道舟
 人茹乾糗餘十日渴甚則下掬海水飲之海鹹不可飲飲者亦輒
 病嘔洩軍中大困海事錄新史不書填二月戊寅朔世傑部將陳寶降
 陳寶以二月戊寅朔降見新史而張達忿爭而所見書統制陳忠
 于正月乙丑書統制陳寶與撥發張達忿爭而所見書統制陳忠
 與撥發張成不協而降其實癸未大戰恒南向隨潮下弘範北向
 隨潮上夾攻之恒乘早潮不攻其北至午潮上弘範攻其南見新
 為癸未之自朝至日中戰未決會日莫雨暴作昏霧四塞宋師部
 明日云未之自朝至日中戰未決會日莫雨暴作昏霧四塞宋師部
 伍大亂秀夫朝服抱宋主赴水死世傑命小舟取劫主入已舟秀
 所賣被執辱于後宮及百官吏士從死者以萬數國秀等文武
 班行之降者猶百餘人是歲實至元之十六年也見國秀官承宣使

昭文席撰藏書

以復州已迎降而國秀在海已詳至神龍衛四廟都指揮使洪名曰貴
 使時貴已死填海錄所載已詳至神龍衛四廟都指揮使洪名曰貴
 云世傑知大事已去乃拔鬪艦十八潰圍奔南恩州五月庚戌還
 至海陵港遇颶風舟敗死焉餘眾盡沒自是嶺海間無復宋軍幟
 旗矣世傑劉義等三十餘艘乘潮而遁世傑出強之回廣東
 乃西舟儀南恩將士海陵山散清稍集謀入廣擇宗室子立之六月
 庚辰颶風大作將士海陵山散清稍集謀入廣擇宗室子立之六月
 香以祝風濤愈甚墮水溺死諸將所殺見填海錄云潮居其事往往
 里赤坎村劉義出海墮水溺死諸將所殺見填海錄云潮居其事往往
 傳所不書竊嘗有志論錄附傳而行以備本事然恨其不能記陸
 公終何官秀夫於瑞明殿學士同簽書樞密院事祥興之填海錄左
 丞相而大典于秀夫之死第稱之曰端明樞密院學士蓋丞相文天祥
 家傳謂秀夫以樞密兼宰相者言其以簽樞密院學士蓋丞相文天祥
 誤以瑞明又慮所設三十年前事道里時日不容無小失謬故久
 未敢稱述後遊宣城有蘇寶章者縣小吏也僕邂逅見之戲謂曰
 前朝貼職乃有寶章誰以是字汝縣吏亦帶職耶其人無所對旁
 一人曰是人乃蘇劉義之子以恩補官嘗直寶章閣人習呼之而
 莫能變非字也劉義次子景由直僕為之矍然起將以向所記客

語質之其人故為不聞者徑去僕嗟惋久之因念曰祀宋大國也其不足徵久矣它何譏焉姑叙客語傳末庶幾傳疑之義云爾至大二年春二月東陽布衣黃潛謹叙

說水贈蔣春卿

陽羨蔣君春卿嗣主安定教事於吳興以秩滿去友生金華黃潛送之苕溪之陽酌之水而與之言曰君知水之為物乎嵌巖壘空一掬之多遺針墮芥可指而取非不冷然冰骨雪齒也無搖焉無涸焉斯可耳及其去而為湍為礮也驀山跨谷歷百折而弗顧不既壯歟然而迫于風則驚扼于石則怒矣若夫醜為三江鍾為七澤茫洋演溢涵烟霏而滔日星者漫不知其幾百里泊乎其休泊乎其不可留沈沈乎黃龍之所宮穹龜鉅魚之所家鰕蛤生焉而不以為隘也來牛去馬飲焉而不以為耗也鳧鷖出沒焉而不以為棄也蛟虺枝焉而不以為汚且辱也神妖物怪居焉游焉而不以為異也千漚萬泡交起互滅瀆澆爾淳涵爾洩之莫能害其蓄

昭文席湫藏書

撓之莫能亂其澄潛淵之珍參錯朗耀而荒查醜石屑瑣附麗之物亦無所不容也嗟乎水一而已其量之相遠顧如此非夫所處者異勢耶今君之去山谷也久矣接天潢度瀛海且有日盍亦拓七澤以為襟舒三江以為帶而無以是冰雪者沾沾自喜哉雖然水行天地間其適也愈遠則其趨也愈下孔子蓋稱智者樂水夫不激不流非智者不足以與此君非智者歟持涓滴以助波瀾祇強顏耳離歌既闋風颿遽張因次第其語書以識別

贊

閑閑贊 并序

客有談玄教嗣師閑閑公于僕者曰夫閑無為也無事也公固方外士亦既登鈞天之庭而主列僊之籍烏乎閑僕聞而笑曰嘻蟻蠓不足以扶搖之高蛭蟻不足以語溟渤之廣安得執迂儒曲士之見以窺夫強名者哉請贊公之道以祛子之惑可乎客曰唯唯乃為之贊曰

謂之仕也而委廊廟於泥塗謂之隱也而等山林於蓬廬衆方昭
昭我且于于孰知夫大白若辱大方若隅出入消搖與道為俱放
情八紘之表游心萬彙之初是固軒裳所不能繫丘壑所不能拘
夫閑之又閑者非斯人之徒也歟

碑

長興州東嶽行宮碑

今天子履帝位作神主厥既奉吉玉于廟于郊則遣徧禮羣望且
俾有司嚴事時毋缺惟長興之為州北距泰山幾三千里而州西
五峰之麓嶽神別祠在焉知州前秘書少監呂公澍同知州事今
監察御史馮公鎔承命震惕祇率僚吏卜日之吉咸會祠下明盛
既燭法齊既實備服就位周視祠庭椽桷腐敗階序拆侈登降僣
伏若罔克施大懼缺民望貽神羞無以稱塞旨意由禮考宜將有
加飾迺捐祿廩用為衆倡僚佐吏士交贊而協助焉于是州之大
家洎浮屠氏下逮市井工伎販傭之夫莫不稱力而受事分曹而

昭文席湊藏書

賦功凡所以經畫而相勞之者合志殫慮靡有弗恪藻楹績拱煥
焉聿新龍駕帝服具嚴像設屋之以間計者總七十有八因而直
治者四十有九撤而剏制者二十有九經始于皇慶元年之十二
月而告成于明年之三月謹按祭法諸侯山川在封內則祀之未
有越境而徼福者岱宗魯望也邇方遯壤奔走祀事罔敢自後何
哉公羊氏稱泰山之雲不崇朝而雨天下其威神德惠之所加被
列諸守祀夫亦禮以義起者也或謂人之生命短長神實制之故
特為世所敬畏而尊事其果然耶惟時長吏克謹命祀匪懈有虔
不宜無以垂示來裔也是用揚之頌聲勒茲樂石其辭曰

巍巍岱宗包方侔圓列嶽莫京和氣細縕有渥其澤飛流寰瀛
休所加仙閣神府式垂號名惟帝有命崇飾典祀守臣是膺願念
茲宇棟毀級夷惕焉靡寧迺制貨食迺程匠傭新廟以成奕奕新
廟豐屋峻墉邃巖密清神樂來歸覽其嘉祥旁達下盈四時外服
遐濶僻陋畢揚鴻靈匪神斯靈彌覆極載惟皇之禎屏我有邦循

于萬年與山不傾篆刻頌辭昭示後則毋替厥承

記

湖州路總管府題名記

古者諸侯之國必有史官太史公始撰其所述年經而國緯之合以為表蓋將使有民社者幸而覽觀焉必且曰某年為何時每侯為何人而我何如也自秦置郡縣既不容有私史猶幸有所謂題名者而可闕歟吳興為郡曰內史曰太守曰刺史曰知州事由晉王羲之而下凡若干人亦既列其氏名于貞石矣身自聖化南被國家遴選仁哲以惠幸茲土者聲相聞跡相接而迄未有所登載也今總管某公始合長貳立石為題名而屬予以記予惟題名之設本以昭歲月辨爵秩觀其氏名與其所以去來而其人之賢不肖可知也善善惡惡而懲勸存焉此太史公之深旨而春秋之微權也昔司馬文正公記諫官題名而繫之以忠詐回直之日使來者知所避就焉嗚呼豈獨諫官也哉

昭文席湜藏書

山南先生集後記

右山南先生集凡二十卷記曰辭必已出古也騷不必如詩玄不必如易而太史公書不必如尚書春秋十三國風之作大抵發乎情矣然而止乎禮義發乎情故千載殊時而五方異感騷止乎禮義以天地之心為本者也其為本不二故言可得而知也有如先生之闡材傑志百不一施而其言猶莫為世所貴則言豈誠易知哉蓋先生自少時為舉子業已知非之速其年邁而氣益定支離之習刊落盡矣故其為文逸出橫厲譬如風雨之所潤動雜葩異卉不擇地而輒發人見其徜徉恣肆惟意所之而止耳世之善為近似者方竊竊然揣摩剽擬譁眾以立的而曰吾古學也陳性命者躐幽微辨名數者殫豪末而先生之文過而不行矣孰知夫繇繇儻儻浮沈俗間其自視吾言蠅甲耳蛇蛻爾豈復累于稱譏者耶潛受學于先生最久且親誠悼其餘芳溢流無所託以被于後乃因先生所自序夢藁癡藁聽雨留藁者合而一之曰山南先

生集嗚呼是其為言也非出于古非不出于古也夫能不二于古
今而有不以天地之心為本者乎綿千禩貫萬彙而無遷壞淪滅
者莫壽于是物矣區區之篇積尚奚為哉姑用以致吾意焉爾先
生之氏名與出處大槩潛既為之述茲不復云

序

陳茂卿詩集序

詩之為用其微矣乎輶軒之使不至而挾飛霞簸明月者徒以自
怡于萬物之表而已夫音奏之悲涼意象之荒忽初若瀟漫無屬
至其使幽人狷士有適而不懟或者舒揚振導之益猶有資乎覽
者顧謂其如瑤華琪樹世所罕見探而有之或奮于用若吾亡友
陳茂卿之為詩其亦所謂瑤華琪樹者非耶茂卿平居惴惴寡言
容貌不能動人生三十年未嘗一踰里門以死故時無識茂卿者
而茂卿之自窮亦果矣自予與之交而善而弗獲窺其奧茂卿既
死訪遺藁其家亦竟無所得蓋以殉葬焉因追次嚮所僅聞而可

昭文席湜藏書

知者為五七言古律詩若干篇嗚呼茂卿緣情序事清邃激越其
奮于用與否予固莫得而知載而傳之四海之大千歲之久烏知
其不有合也而茂卿子子焉自窮如此有可為追惜而悼慕乎然
予聞之荆山之韞豐城之閔必有俟以彰其用雖玉烟劍氣非窮
山腐壤之所湮滅物之顯晦固繫其逢哉序而藏之庸俟知者不
復苟為讓也

送葉審言詩後序

嗚呼四民失其業久矣而莫士為甚非謂夫賤且拘之為病也曠
膳以厚之給復以優之所養有古之所無而所就無古之所有何
哉蓋昔之生齒衆矣未有不使以士君子自為者而今也惟以其
占籍為斷焉耳方儒服俎豆矍然勃興而秀人碩士不得業乎其
間者比肩而是彼施施焉于于焉逸居飽食而肆其力於負販技
巧者亦豈少哉幸而有能砥礪激發稍自出以售于世或者且將
廢之以簿書束之以律令使之伏其所長而效其所短譬猶任劉

累以飯牛責卞莊以搏彘抑又失其業之大者也若吾葉君幼而學壯而行未始一日而去夫黨庠術序可謂能不失其業矣乎然予觀君之用其材奮乎若騎而爭險于蹂狄也躍乎若九飛而矢決也歟乎若揚飄風簸鉅海而高颿大舶出沒後先也僞稱熒譽踊溢未已庸詎知不有奪其業而用之儒服俎豆之外者耶今方由吾烏傷教官以秩滿去吾烏傷之士咸相與侈為歌詩以識其別而鄉先生朱公序之備矣予固有志于士君子而重失其業者能勿歆羨而贊慕乎雖然予懼夫奪之者之將至也姑因未簡而私焉以著吾志庶幾乎君無輕于去就而若予之有所羨慕也哉夫以君之絕藝殊能宜有不止于秦龍刺虎者若將以游戲出之則非予所知矣

送周孔卿序

昔者七十子之徒蓋以有若為似夫子而師事之矣它日雖以不能對諸子之問叱避而退其記言之書終不敢字稱之而猶必曰

昭文席湨藏書

有子焉彼其失孔子未久也于質貌之偶同者且尊慕之如此則凡後孔子千百歲而生而見夫隆顙者升脣者圩頂者河日者面如蒙俱者皆將趨而拜之不暇况其子若孫之克肖者乎厥今孔氏之族日大以蕃其能服詩禮如伯魚原性命如子思者予雖莫得而志識距夫子五十四世有名某字周卿者予所識也周卿主教吾烏傷三年矣當以秩滿升吾烏傷之士莫不華其行而恡其去予竊以為孔子之道如天之無專覆地之無獨戴日月之不擇物而照顧豈私其家者耶誠令流風餘澤之所存必孔氏謂宜列之公台建之方岳俾諸大夫國人咸有所寓其尊慕焉可也又豈一州一邑所得而私耶詩曰雖無老成人尚有典刑予固未敢遽以吾周卿為賢于有子不猶愈乎隆顙升脣圩頂河日面如蒙俱之偶同者耶周卿行矣予之屬望于周卿也厚矣凡離曠之恩愛助之意既形于羣公之篇什故予獨論其所貴乎孔氏者如此云

送徐生序

異時為舉子業者劬躬苦思弊弊焉穿穴乎經史百氏之書憊不
得休垢不暇沐然後能以其藝角強而取勝幸而有能自拔于千
萬人之中莫不贏糧笥書呻呼踴躍合乎京師以聞其一日之技
或者屢進而輒弗利又未嘗不闔戶塞竇以濟其鋒鏑而望更進
焉國家愛士不欲使卒廢乃為之定制凡得舉十有五年者俾輒
試于禮部又十有五年而遂升之天子之庭于是天子亦且閱其
老而以故事特予之一官幸者乃得為縣文學其勤且久如此而
今也一更訓蒙之職輒升而居其任可不謂大幸與夫一考之勞
非有三十年之遠環十數童子而授之句讀非有抗千萬人之難
也而又有官稱之美祿食之富豈若夫冒險途觸畏景挈挈然亟
往亟返連蹇因踣沈鬱而無聊者哉逆用其力而厚食其報是宜
吾黨之士操觚擘牋以歆豔乎徐生之去也况夫嘗自拔于千萬
人之中而不得一官以慰其勤且久者能無所致其歎慕之意乎
予獨以為向之求于生者十數童子而已耳一旦裁冠大裾于予

昭文席湜藏書

揚揚執經以升于高座則人之蘄君將有大于童子之所求者矣
惟生無幸其所易而忽其所難則雖掉臂于金馬揚眉于石渠而
無忤焉可也尚何文學椽之足云珠玉在前予無以復進敢道其
所望于生者寘諸篇端云

送養直詩序

始吾聞浮屠氏稱其道爽然不與孔子異而世儒恒譏其去尊卑
略貴賤無君臣禮其果然哉厥今薄海外內郡縣所置主僧之官
輒與角立凡府署之崇像從之盛往往跡守令而其徒卑躬曲意
聽命承事之有加焉吾于是知尊卑貴賤不可卒廢而浮屠氏果
無以獨異于人也夫何世儒又有訾乎其用于時者以為釋氏之
子宜捐貨財毀衣服木茹澗飲以求其所謂道誠不宜逐逐然惟
印紐之為務也嗟乎是不亦責人終無已乎且古之生人必有君
也而一人不能以獨理也必將斂其賢者能者而授以事則夫賢
且能者宜為世之所不捨矣浮屠氏寧于是而復與人異情耶若

直師之負材傑驚庶幾不見捨于其徒者也今方出而官于甬東甬東之人苟隸乎僧籍者望其來而聽命承事之久矣是宜于簿書號令之外有以淑其衆矣其行也猶有異夫吾徒一言以為贈夫豈自歎于其道而思有異聞乎傳曰大哉乾元萬物資始此人之所以為性而道之所以為本也其為本不二故浮屠氏不能苟為異也而吾且安取異哉顧其蒙詔于世者不可以無辨焉耳甬東之文學椽曰柳君者吾友也試往諭之其以吾言為弗畔矣夫

題跋

題陳茂卿詩卷

茂卿贈予詩稱古來賢達士不斲當世知勗哉保令德千載以為期嗚呼其望予至矣而固茂卿所自志也夫窮一世之贊毀不足動其心而獨有待夫寥寥無情之後世誠亦可悲矣今其自託于千載者何如哉攬卷及此流涕而已

題山房集

昭文席湜藏書

孟子稱王者之迹熄而詩亡夫詩生于心成于言者也今之有心而能言者與古異耶山謳水謠童兒女婦之所倡答夫孰非詩彼特莫知自名其為詩耳或者幸能探幽發奇使組繡之麗被于草野是固知以詩自名而非孟子之所謂詩也吾少嘗學文而知自名其為詩顧其用恒在于山高水深風月寂寥之鄉措心立言能自異於童兒女婦者無幾耳自吾去丘壑而吾詩併亡今讀姚君山房集乃知吾所以為詩失之此而彼得之非果亡也它日從先生長者山水間尚因吾詩以求孟子之所謂詩者其有所得乎

跋六經直音

周都官為汴都賦至使人不能讀難以樓宣獻公之博洽而為之音釋其弗知而闕焉者蓋多矣嗟乎聲韻母也文字子也子非母不生執其子以求其母而不得乃憧憧如是耶易書詩禮春秋之文昭揭千古學士大夫童而習之非若夫賦汴都者之鉤奇摭隱而使人不得其讀也直音蓋舊有其書陳君是編不過蒐其脫遺

黃文獻公集卷三
其讀則二三聖人傳心之奧者經世之大務所賴以存者幾希矣夫使之日星垂而江漢流者陳君是編不有助乎方之樓公竭精億神于魚蟲石樹之細者不又有間乎然予聞有直音有反切反切之法本於西土今譯人所用二合字是也陳君自是編曰直音而兼用反切者蓋變例也誠懼夫音之未易以直盡也是抑可尚也

跋竹靜齋記

竹植物非動物宜若靜矣夫一寸之萌至于劍拔十尋而上者氣化而形生之也是果能離夫動耶乃若其初則固靜矣翾飛跂行未有不本于靜者豈惟竹然耶夫知竹之為靜未若夫未始有竹之為靜也方其未始有竹也猶未能忘乎靜也是故竹物也動靜境也物我混融境智冥合則靜且不有而況于竹耶世蓋有執昔人之言而求太極于梅枝者矣先生獨于竹身若有見焉是非善

昭文席湜藏書

觀物而不物于物者耶欲知先生者固不必以竹求先生也

書吳善父哀辭後

右吳善父先生哀辭永康吳氏穆仲作始予未識先生得先生所為詩而讀之其氣盈而不肆志伏而不折言無緣飾而忠厚惻怛之意躍如也私心慕焉元貞丙申秋予游僊華寶掌間因得拜先生浦陽江上先生顧予喜曰吾二十年擇交江南有友二人焉曰方君韶父曰謝君皋父今皋父已矣子乃能從吾游乎子其遂為吾忘年交予謝不敢先生蓋予大父行也然自是間歲輒一再會會則必歡欣交通如果忘年者先生間為予上下令吾人物使審所擇而尚友焉先生之心其有望于予者哉大德庚子秋有越客道浦陽境上謂予先生且死已而知其妄也厥明年某月或又謂先生死矣予不敢即哭蓋猶幾其為越人之傳也既閱月而韶父之子育以訃至育先生壻也嗚呼先生真死矣先生之先處州人由大父壻龍川陳氏故又為婺之永康人先生嘗以父任入官任

未顯而所為要以直遂其志中歲頗慕管幼安陶淵明之為人因
自放山水間時與畸人靜者探幽發竒以泄其羈孤感鬱之思遇
意所不釋或望天未流涕其所居室扁曰愚隱先生古冠服不妄
言笑樵兒牧豎或戲詔之先生不疑欺我不知者以先生誠愚也
晚乃取所謂全而歸之者自號全歸子云先生死時年六十有四
嗚呼先生之壽不必滿于德而其存遠也志不必究于物而其行
得也稽其存不可謂夫微其行不可謂窮先生雖死何憾矣願天
之所以佑善人者君子恒若以為歎焉此哀辭之所為作也先生
之死予既哭之以詩故弗復為辭以相之始追叙疇昔以志予感
愴之私云爾

書金剛經後

余嘗見說象者以為其頭如石其尾如繩其脊如床其腹如甕其
脚如臼其耳如箕其鼻如杵其牙如蘆菴根已而取畫象驗之良
是它日過南人而問焉則未嘗知其為石為繩為床為甕為臼為

昭文席湊藏書

箕為杵為蘆菴根也而其所說無非象也何則彼固以所見者言
之耳昔大雄氏有般若波羅密法名之曰金剛世之揣量模擬以
得其說者不為不近而虛白老子直于見處指以示人不即章句
亦不離章句蓋其目中有全象久矣願有待于與訂其同異豈以
予為善觀畫者耶然予知畫象而已苟欲識真象當求其非石非
繩非床非甕非臼非箕非杵非蘆菴根者可也而予尚何言哉

書

上憲使書

某烏傷之鄙人也郡縣不見菲薄猥以充貢由是昧昧于一來庶
幾求伸其所欲為重惟呈身識面昔人所恥輒不敢踵門納謁以
速諂讓庸藉不映之辭致其區區于下執伏惟少垂察焉某聞國
之所與立者曰人才人才之所由興者曰風俗而風俗之所恃以
不墜者曰大人君子古者士之仕也上有求下之制下無求上之
法故夫學脩於家行孚於人者其鄉之老之大夫若列國之諸侯

且以禮而賓送之漢非古矣然而州郡之所舉公府之所辟要非
有待於人之求之也唐宋以來士子得以投牒自試而下之人始
有求於上覬幸之念生趨競之俗成矣國家剷除前弊改試為課
以教不爭其貢士之法即鄉舉里選之遺制也立法不殊於古而
得人之效闕焉未著豈風俗實為之與且古者舉一人而不仁者
遠今也一有所舉而巧取豪奪者不知其幾人雖有瓌偉傑特之
彥且逡巡引却而羞與之比又安能俛首匍匐以事迂曲于其間
哉故所得非鄉里之富民則貴游之子弟耳蓋夫睥睨而欲前也
其言以為凡物之適于欲者未有不求而得之奈何世之操予奪
之柄者亦且曰是宜有求于我者也然則廉恥之不立豈獨忘身
徇勢者之咎耶伏惟明公以君子之德居大人之位又適以觀人
風為職其於俗化之變遷固宜有以品調消息之是未可以為細
故也某生而寒微賴家世遺緒不失身于農工商賈之列幼而知
書年十五六而能屬文時之鉅工宿學皆幸而與之進莫不玩其

昭文席湜藏書

華而望其實也某于是忽然以疑釋然以悟盡棄俗學之陋而務
極其業于力之所至凡聖賢精神心術之妙古今廢興治忽之由
固嘗竊窺之而未始敢以為有得也不意今茲誤玷選舉俾受察
于下執是用囊書裹糧而來且庶乎親承明問以少抒其平生之
素計日俟命不為不久而寂焉無聞彷徨躑躅欲進而不能欲去
而不敢上之人未聞有求于某而某方汲汲焉若有求于上者其
為滯留渙忽之狀寧不起人厭薄之心而重風俗之不美也哉某
于門下既不得有私謁又不容嘿嘿而遂已也輒敢顯誦所聞于
左右若夫引而進之抑而絕之明公事也非某敢知也惟明公不
以某之進退為嫌而以人才風俗為念幸甚幸甚

祭文

祭朱叔文山長文

嗚呼世其家者雖古或希豈光華之莫續願習尚之易非惟君之
秉心也諒以直而制行也粹以夷若良玉之不琢况可得而瑕疵

是固出于天性或者有得乎家庭之遺謂宜益大于先列遂襲紫而傳龜奈何乎步武之初啟而遽尼于斯嗚呼哀哉晝夜之道天人之際蓋君之所夙講齊死生于一指兮尚窮達乎奚疑君之自處雖可以無憾吾黨所未能釋然者悼故家之遺俗方就陋而趨卑曰賢者之有後幸百聞而一窺攀靈車于周道望喬木以增款聽陳辭而薦酒為有知乎無知嗚呼哀哉

傳

柳立夫傳

柳立夫者名森當塗人也祖父世醫至立夫遂以其技知名立夫於醫善為脉其治疾決人生死多奇驗然志在德物未嘗挾以為市也人以病叩門不擇貧富輒往或委金錢率謝弗取即取足自養而已亦用是見稱士大夫間而參知政事吳公淵尤遇立夫厚立夫亦喜為之留吳公乃買田築室居立夫不使輒去也初立夫兄嘗誤殺人就逮當死立夫曰兄先人世嗣又有子且吾母老矣

昭文席湜藏書

吾自度生無益於兄終不能為兄愛其死乃自言有司願以身受刑贖兄罪吏感其誼而悲之乃議出其兄而立夫亦竟得不死然重以立夫故廢法遂論黥立夫當吳公盛貴時士多以善為方出入門下者而特敬重立夫嘗用此貴客不獨以其技也吳公有愛姬無子將出以嫁立夫立夫聞之輒先自娶婦亡何婦死吳公卒欲以姬妻之立夫乃謝曰吾婦雖亡母固在爾吳公曰娶婦非以養姑耶立夫曰不然是方秦貴驕襲美飾而能躬井臼以事吾母耶於是吳公止不復言姬聞而歎曰吾乃為刑餘之人所棄吾終不可以事人即日脫簪珥入道終其身諸公聞之以為吳公所得姬待賓客皆非常人也以此賢吳公而益重立夫吳公既病歿立夫乃去賣藥黃池上里中子或求立夫瘡疾弗為報立夫嘗為稱貸于富人又弗償也會復得疾乃不敢致立夫而更迎它醫它醫以藥溫之病加劇不得已始召立夫立夫診之曰病得之勞而伏暑奈何以剛齊燥之方冬沍寒而立夫言如此它醫素害其技乃

謂病家彼固有嫌于君不可信病家將遂謝罷五夫已而念五夫素長者卒聽不疑竟如其言而效乃奉幣物重報五夫五夫輒罵曰公市人何復以市人處我趣歸而道無用是污我也里中子乃大慙悔盡償所貸錢由是鄉閭皆慕化五夫行有不可者惟懼五夫知之也五夫後以高壽終

贊曰先左曹君布衣時客吳公與布夫游而善常弟畜之並稱五夫賢有道者蓋寓于醫云以予所聞五夫為人已疾其治驗甚衆而立夫所著有診脈圖有可用方今江淮間類多襲用其書以故弗論論其卓悅殊絕之行著于篇

俞器之傳

俞器之者名時中金華人也其先事錢氏最貴顯錢氏亡子孫世仕宋凡十一世迺至器之器之自少時知讀書能屬文年十六盜起里中器之盡室走辟匿焉近山谷間會大軍南下或直其叔母劉所藏處遂為所得將殺之劉懼祈哀器之識其聲知為叔母急

昭文席湜藏書

走從叢薄中出曰此吾母也即欲殺吾母者當以身代母耳軍士壯其語乃釋劉不殺而心獨竒器之因挾以去是歲至元十三年也器之既與其家隔絕然幸得不死乃惕然自傷思隱忍以有所就于是常盡力其所事晝夜如恐不稱以此得毋辱因更善遇之其年冬至京師遂以見公卿貴人公卿貴人憐其儒家子且得所以北來狀莫不歎竒之乃使受學羅郎中所羅郎中者蜀人號個儻喜士且又貴幸當是時兩都賢士大夫皆延頸慕交之器之事羅郎中數以材見稱因為其子壻由是名益聞諸公間稍得推擇給事尚書吏部為令史居久之用薦者以布衣對禁中被旨入翰林與纂次本草事遂為太醫令史由太醫遷都水監用例補官監通州樂歲倉秋滿當改調器之自念拔羈虜官七品是有以復其父母矣迺以親老求便養遂得諸暨州判官以歸初父母既失器之數從人問求其所在莫能得或言死矣去十二年聲聞始來又十九年迺歸閭巷之人皆為之歔歎歎息其里中少年子弟多

器之去後乃生無識器之者聞器之至爭共來聚觀之不知者見器之以為北人也器之歸時父母歿已久劉亦死再着器之乃為位制服晨夕號慟如初喪且自為文以祭其言悃欵惻怛皆可流涕也

贊曰予睹器之跋跋然為早讓君子哉迹其遭值艱難蹈白刃而不讐誠亦能勇矣至身為係累摧剛下志窮而不能自材又何鑿也彼固隱忍畏約以有所待獨死為難乎故曰生有輕于鴻毛死有重于泰山無所苟而已耳嗟夫以器之之材窮不失仁達不失義豈俟它日然後信耶

行述

山南先生述

先生姓劉氏諱應龜字元益世為婺之義烏人自曾大父祖向大父夢龍父景辰無仕者先生少恢踈常落落多大志宋咸淳間游太學馬丞相高其材將女馬先生不可乃已由是名稱藉盛非直

昭文席湜藏書

用文墨出小異也於時同舍生撰其緒論或取高第而先生故為博士弟子貧亡何當以優升解褐值德祐失國迺返耕築室南山之南賣藥以自晦人勸不仕輒不答然亦不為激詭蘄絕事眩俗矜衆也居久之會使者行部知先生賢強起以主教鄉邑先生始幡然出山即席于是至元二十有八年矣終更調長月泉有司以累考合格上名尚書親友白當詣謁先生笑弗顧銓曹謬以年未及出其名復俾正杭學先生竟不自言明年遂以疾卒于家壽六十四大德十一年八月二十日也先生偉貌美髯談辨絕人然任氣好臧否閭里少年以為厲已而相與謀中傷之卒亦無以害也先生學本經濟而以簡易為宗讀書務識其義趣未嘗牽引破碎以給浮說至其為文雄肆俊拔馳駛水飛一出于已無少貶以追世好世亦未有能好之者凡所著為夢藁六卷癡藁六卷聽雨留藁八卷藏于家先生蓋有祿食于世矣而未顯也故識與不識皆稱之曰山南先生如隱者焉初娶吳氏卒再娶許氏子男一人曰

黃文獻公集卷三
鼎孫男女合三人既卜宅于永寧鄉白茅之原將以某年月日窆而未有以昭不朽也潛惟我曾祖左曹府君以文章家知名當世先生以外孫實得其學願潛之蒙鄙劣弱猶幸弗失身負販技巧之列以隕先業者先生教也先生之庇麻我厚矣而潛安足以永先生之存庸疏其世系出處卒葬之年月以誌夫志同而言立者尚幸為之銘若誄以揭諸幽云

黃文獻公集卷第三

門人傅藻校正

